

日

韦江都五心诗系

自序

黄药林序

暨湖石社在轩借肉

时日治癸酉閏六月廿一日立秋崆峒溪
並書於倚笈齋之南



經史類編
卷二十一
十



吳廷飏

書首

道光辛丑孟冬江都
丁光煦伯味甫枝榮

自序

書城詩文詞鈔二十六卷江都韋佩金甫著金少貧弱耽

讀嗜詩古文詞師同里夏孝廉之連碧齋先生歲貢生袁

兆麟兆麟夢堂先生鉛山蔣內翰士銓心餘先生得交里中拔

貢生汪中輅容甫張秀才輅漁山暨同學諸子洪建扶疏谷

高綸綺塘紱練塘劉鑄思午塘錦思雪塘嵇春和蕙塘胡

玉甲文照薌谷武康高孝廉文照東井武進黃縣丞景仁仲則

師友講習三十餘年矣以乾隆四十三年進士銓授廣西

蒼梧令歷懷集馬平凌雲四縣在官凡十年嘉慶二年閏

月罷官明年遣戍伊犁回憶受室七年連喪三子未壯悼

亡年甫四十鬚髮盡白身家萬里不克奉先人墳墓老親

在堂終鮮兄弟憂能傷人懼或淪溝壑此卷將不知所歸爰於桂林寓樓略自編校計二十卷存李松圃

秉禮

比部

來青軒中四年七月行抵蘭州張參軍春溪

伯魁

見而嗜

之募書手錄存一通

金

仍攜其副出關明年春抵成商邱

陳大中丞葑洲

淮

謂為可傳促早自校訂當為付梓人時

金館於遠峰公相總統將軍署內課讀之暇更訂舊本益

以塗中近作得二十六卷頻經刪校可以繕寫昔曹子建

慕鍾期不失聽未嘗妄歎人文略言數子亦行自念也丁

敬禮作文使子建潤飾謂卿何所疑難後世誰相知訂吾

文者子建歎此達言以為美譚文章之難君子猶病益畏

來者之嗤應時改定有味乎其為之以是懷戀昔日遊也

金遇雖坎坷人生師友之緣造物靳之倍於世榮顧遇輒

見許迄今且藉以忘艱虞不可謂非厚幸也此後天假之

年更有新得當善自增益續編質知我者焉嘉慶六年歲

在重光作噩相月佩金自識

原序

讀西山詩識用心之苦益歎所遇之窮也天既予以拔地倚天之筆發爲驚人絕俗之文可謂厚矣豐於此者不能不嗇於彼蓋理有固然也西山之學原於窮理既知理有固然所以毫無介意而一息尙存惟反求諸己力敦所學言者心之聲峻嶒峭厲捫之有稜皆由生性崛彊迥不猶人之所致今將西出陽關心馳萬里手執一編精神興會正復磊落淋漓集中所編雄厚固其本色而又多清麗芊綿之作雖才人之筆無所不可西山秋人也而春氣盎然他日歸來文章事業餘勇可賈則又觀於其文其人而信其所遇之不終窮也嘉慶己未秋八月葑林愚弟黃驛書

於金城寓齋

序

嗚呼天欲成就一非常之人必使之抱抑塞磊落之氣而不得用卽用矣又或小試而弗竟其學甚且置之荒徼絕塞使其不平之鳴歷歷形諸獻詠而莫能遏暨乎音徽已渺其書藏諸名山又遲之又久至數十年而始大暴於世蓋道之顯晦蚤有數存乎其間矣吾師西山先生於模爲父執模見先生時甫總角聞先生道其少壯事頗詳多自敘所未及者先生世居江都家故貧贈公有隱德生先生時夢朱衣人授一金印遂名焉幼聰穎讀書目數行下出就外塾每餐皆脫粟飯天苦寒往往延頸至日已西乃得餅餌所居屋數椽不蔽風雨室中有停棺雨雪時但見簌

經筵堂金身序
箴自梁際飛積棺上至寸許乃浸淫於周秦漢魏之書晝
夜無少休初就試卽遊邑庠受業李晴山先生學益進蔣
心餘先生主講揚州見先生文歎曰國士無雙此文中虎
也彭文勤公督學江蘇按郡唱先生名謂曰若非某號遺
卷耶才氣煥發風利不得泊矣因誦先生文數百言琅琅
不絕口先生驚異先是公主乾隆辛卯鄉試有佳卷百餘
限於額徹棘後陰識其姓名故云然旋以高等食餼果於
甲午登賢書受知董文恭公年纔及冠再上公車膺魁選
金壇相國典戊戌春闈得先生文擊節擬元巳三日嗣以
對策隱僻恐礙 進呈遂抑置十一人薦主李寶幢先生
爭之不能得然先生文終膾炙衆口至今誦之者猶如景

星慶雲光采絢爛焉同年管蘊山先生工爲文輯房書有
不善者多所點竄至先生輒遜曰西山之文字字有根柢
不敢易也選授廣西知縣歷官蒼梧懷集馬平凌雲諸劇
邑清介自矢所至興利除害盜賊屏息終以不得志於上
官望吏議謫戍新疆效力時保公相遠峰松節相湘浦先
後以重臣出鎮伊犁重先生學館之高齋商量邊務冰天
雪窖處之晏然期滿得還贈公已卒太夫人猶在堂開門
授經筆耕以養邗江舊爲名區講院之盛甲於東南自先
生歸江淮之士爭投贄受業者如雲先生性慷慨和易雖
五尺童子不以卑賤而遺之每發一義必抉摘先儒奧窔
雖鈍根人亦覺悟決場屋得失若桴鼓相應以故及門中

躋清秩成大僚者踵相接生平講求水道自入關後往復數萬里熟覽中外形勢每讀諸史至沿革之際口講手畫如伏波聚米瞭然於指掌之間與人交心貫金石不以榮悴死生易念海內詩人若洪稚存黃仲則楊蓉裳諸先生皆以氣誼相唱酬互證肝鬲所著經遺堂集手自編訂藁甫脫而先生遽於嘉慶戊辰之秋歸道山模什襲以歸比長發而讀之其南游諸篇繁聲促節若古謠諺則香山之新樂府也其北發諸篇驚心動魄可泣鬼神則少陵之前後出塞也其擬古及游覽諸篇出入於鮑明遠江文通奇崛處近昌黎今體亦有王仲初劉蘊靈風韻文則熟精選理體格不屑爲三唐以下蓋先生之學如海當其波濤震驚萬怪惶惑髣髴三神山出沒隱見樓臺金碧頃刻異狀而舟中人但轉帆振柁雖沐日浴月而不自知又如洪鑪扇物無論爲金爲鐵入焉輒化至於爲干將鑊鋌一出而鋒之利不可當九衢塵土中寢饋於此祇覺殘篇斷楮精爽式憑曩之擁臯比揮塵尾脫帽露頂談天下之務者猶依稀若前日事信乎斯文未喪殆有神物以護之而非世之朝開暮落如日及之在條者可同日語也錄成將授梓人用舉先生之行事而述之以告讀先生之詩與文者若華屋山邱之歎古今人不有同情也哉

道光五年歲次乙酉冬十月門人丁元模謹書於京邸蒼屏樓

後序

江都韋西山先生博學通才所著詩文詞集二十六卷蔚然鉅觀丁小研比部序中言之詳矣文淇與校字之役獲覩全集竊歎先生之政事卓絕迥非尋常俗吏之所可及也先生以名進士出宰廣西歷蒼梧懷集馬平凌雲四縣以疆直爲同僚所忌讒諸上官卒以軍需案罷官謫戍士論惜之其在馬平也江上有搶奪案先生聞報卽馳騎赴捕賊方入鄰村分贓未散全數弋獲一訊服罪卽於本日詳辦訖事每冬初粵東將軍委弁赴滇買馬至柳江移縣代雇民船先生以非民情所欲爲力免其役湖南崗苗之役督撫赴柳江防堵懷遠令某捕得難民七十餘名誣服

從賊招解到郡委先生覆訊盡反其獄難民得釋縣捕役名曰鷹捕有蔣標者索事主賄先生立斃之杖下一縣肅然提標兵七千名在城歲終例借縣倉米千石歷年多不能給先生力爲預籌如數支借六營歡感此皆見於題馬平衙齋詩注中者其在蒼梧懷集凌雲也地尤繁劇凡有來訟者先生據几手自立讞凡二千宗皆剖斷明允今其稿雖不傳而見於詠歌者則如集中箬葉刀青竹竿一片碣山有木諸樂府是已而先生顧歉然不敢自矜也其蒼梧行部詩云兀然據牘背涕淚下被筆才拙勉清靜此外又無術懷集縣憫農行云我來因陋無良籌民訟水利爭尹嚶眼前勘斷非遠謀勸分行部心懷羞則其勤求民瘼

不自滿假可知又如泗城府復南北關左江江心巖暨猺人獻歲岑將軍廟諸碑文具見先生不鄙夷其民無事不與民休養而其正祀典整民俗之意反覆詳盡其治視古人亦何多讓後之人欲考先生政跡者胥可於詩文中求之則是編固不可不亟刻也先是甲午乙未間余與小研比部嘗同文酒之會每言先生全集副本久藏笥中行將付梓未幾而比部遽歸道山茲事遂輟今年春先生高弟江君鳴玉文君汝梅范君凌靈楊君亮暨同志友夏君慶保汪君廷儒搜求先生遺書力謀剞劂適程君焜得一楷書樣本於其族子雅扶處自歛郵寄較比部所藏尤爲完善比部喆嗣光煦篤念師門追承先志遂以百金付余俾

錢諸木同里岑君建功黃君奭蔣君照陳君輅復出貲刷印百部令讀者先覩爲快而先生之孫光祖亦於是秋補博士弟子余故備述先生政績見循吏之必當有後並敘刻書緣起俾知是集刊布之難從此克守遺經以繼先生未竟之緒是則同人之所深望也夫道光辛丑孟冬儀徵後學劉文淇謹識

嘉慶揚州府志

卷之四十八人物三

韋佩金字書城江都人乾隆四十三年進士歷廣西蒼梧縣暨懷集馬平凌雲四縣嘉慶四年坐事謫戍八年釋歸閉門養母教授生徒泊如也初選知縣時縣民凌某控嫂因姦酖毒其兄嫂故非清白婦訊其兄實以痧病死檢驗得實乃以和姦論有啞民妻控妾將殺其夫羣兄弟證之無左驗佩金問妾去留則啞民有田廬妾方娠羣兄弟與嫡謀陷之產可吞也乃反覆導其嫡嫡大感悟相持歸羣兄弟子杖妾生子曰韋保安平民控其子被婦因姦酖死詰其初死時情狀知非受毒者研訊婦婦據實告以春寒且內讞定論釋天久旱至是乃大雨佩金在官十年雪奇

宛十數事抵戍後松湘浦將軍以新疆子弟之秀者命佩
金爲之教授佩金於地理之學最深有伊犁總志纂略二
卷地理指掌二十卷西戍紀程三卷又有世系二卷舊治
錄一卷今多散失惟唐藩鎮考三卷尙存

嘉慶江都縣志

卷六
文學

韋佩金字西山奮迹寒峻少穎雋作舉業文如干將莫邪
不可逼視爲鄉賢李道南高第弟子蔣心餘太史主教安
定少許可亦重之甫壯成進士官廣西凌雲知縣緣事謫
新疆歸閱歷旣廣斐然有述作之志未及就而卒

經遺堂全集目錄

卷一 樂府三
十六首

卷二 樂府七
十八首

卷三 集杜十四首
五絕五十六首

卷四 五古六
十首

卷五 五古三
十六首

卷六 五古四
十五首

卷七 五古四
十七首

卷八 五律一
百七首

卷九 五排
十首

卷十 七古三
十八首

卷十一 七古二
十九首

卷十二 七古二
十八首

卷十三 七古二
十七首

卷十四 七律九
十三首

卷十五 七律八
十六首

卷十六 七律一百二十七
七排四首

卷十七 七絕一百
五十三首

卷十八 補編古近體
五十三首

卷十九 補編古近體
四十八首

卷二十 補編古近體
三十二首

卷二十一

外編古近體四十九首

卷二十二

文十首

卷二十三

文十首

卷二十四

文七首

卷二十五

詞五十首

卷二十六

詞七十首

經遺堂全集卷之一

樂府

白馬篇

江都韋佩金西山

玉鞭鞭白馬塵頭呼相者相者望鞍纓舌橋急難下馬良
 不以飾馬良不以力煌煌狐白中幾見萬夫特平日豢養
 深事來併一心權衡義千古意氣非所任後來尙開邊樹
 立格鬪間兩家競殺戮過當遂為賢成敗付一擲僥倖或
 在天何如不戰勝朝野多所全不得已而生秦皇與漢武
 士各宏遠謨堯舜致其主奈何忘凶危一劔輕相許畏死
 或輕生都非聖人與

築城詞

秦皇築城萬餘里西起臨洮東遼水聽說亡秦急邊防三
十六郡點夫忙只怒點夫遲那知築城苦死殉長城哭夫
女夫寒妾暖骨撐拄併作長城城下土辛苦可笑蒙將軍
築高築低自築墳精靈夜出掠鬼馬驅飲城窟水腥渾窟
水源從泉嗚咽水腥和入龍子血龍子血結土花長城自
壞堪切齒莫怪骷髏生齒牙

嗚咽泉在今綏德
州秦扶蘇墓側

公無渡河

濟人河殺人河勸無渡渡頭譁渡相繼就死多渡河遂死
人奈公何臨河莫渡河奈人何

虞美人曲

虎睛欲墜皆上裂雞鳴歌殘嬌舞歇長圍頃刻天未明猶

見江東渡江月事雖不成氣已吞五侯小兒分一身英雄
萬古多情種不慟江山慟美人

李夫人歌

漢宮兮不春雄心老兮奈何舊恩再難得兮佳人思悲兮
漠然爲君尋求兮少翁恂恍兮惟中乍陰陽兮窈窕卽之
逋兮飄風非煙非霧遙望匿猶自矜持病顏色

董逃行

上北邙非侯亦非王顛倒授戈人不知狼心直西涼美人
馱歸急築隴法傳鄭州學蒸土上炊黃梁下擊鼓晝然臍
燈市兒舞烏畢逋啼兩都赤精之光散螢火殘灰片瓦高
當塗山東兵彊收邳徐縛急市人背上布輸與司徒不回

顧

銅雀伎

討檄愈風稽誅久老奸愛死兒女手內人失聲婢夾之橫
槩吐哺皆虛詞既不似中山虎死齧生王抱橋柱又不似
冉悼武鬼雄草木金戈舉疑冢七十餘恨骨不早腐敢臥
一寸漢家土高臺夜長歎息輕原未教妾望分明

權歌行

江日紅吞阿瞞夢很石驚濤衝不動計疏紫髯八十翁不
爲兒孫防阿童君王抉鑿人爲戲有座待君理殘醉較量
飲水去武昌忽見魚來銜木梯千古快風從水中龍引軍
直下受降江東幸早經營南半壁後來稱尊五馬一支持

一百有五年誰何之功麾樓船吁嗟啼光極殿前兩行酒
青蓋未抵青衣醜

司馬將軍歌

代隴上壯
士陳安

血流沒腕秦川哭司馬家兒教再辱誅逆保隴南陽王猛
將翼之紀建康關中人心思典午劉後苻前唾手取愛將
軍悲將軍將軍之勇無比倫將軍之去懼殺身紛紛別將
呼其羣銜枚入帳夜不聞營火無光魃殺人肥王夢驚窘
不奔濁渭流膏今見痕朝廷竟不有西秦晉興五葉畢此
晨迴軍致討亦已晚稱臣於賊終辜恩當日恩私在部下
呵呵嗚嗚慟不舍山雨懸頭爲誰者特筆將軍記司馬

楊叛兒

楊叛兒其戲來兒生小無嫌猜走滑礎宮門苔兒婉變喚
不回十五六心尙孩好年少身爲媒竹根樛枝屈曲交杯
醉相捉搦兩月入懷寶帳春暖無風自開江繞西洲喜字
流哇赤誌張翼鑪香並灰楊叛兒其戲來

楊白花

楊白花天涯滿燕羽脩脩銜不回一去青春無近遠楊白
花幾時歸南家一掬清淮水鄴下猗儻宮樹枝楊白花江
南住索王城下久不去跼跼臚膊飛上樹銜不花歸樹覆
窠花落那能抵髮多但未成泥飛繞河

邯鄲郭公歌

赤伏符燿千里草石瑞圖終一束藁場上郭公提不休曲
中天子百無愁高山欲倒先落月手扶萱花掃榭葉九龍
之母升遙遙不再爲雲掩輕霄記從典午沒月西佛狸死
卯在人口殺癩上天那得久黑獺餘威過河取步落稽兒
殺圍走苦戀黃金繫鞍後郭公金鼓正喧闐調妝弄粉出
小憐禍水悔填洪瀆川膝上掐斷琵琶弦

燕歌行

北雲春沉雁凋行夜鳴流哀鶩關隍行子影孤渺天長雨
昏草齊發清湘榜人和歌急舟航臨分無言未分明却疑
非仕非經商兒女之仁妾所忘不悲空房悲高堂衰姑思
兒病在牀妾無子女相扶將舖糜持戶塊獨當竈火睜睫
溼然糠三更手冷呵縫裳衰姑拍枕起相望兒歸促婦招

由房飼馬者芻奴酒漿月明星稀夜未央思頽夢多縮河
湟流宕音書路茫茫暗燈如螢駐微光賤妾何能得久長

飲馬長城窟

長城窟飲馬傷馬骨將軍但知愛惜馬馬骨撐拄長城下
將軍不知下有人人骨壓墻春作塵邊人畜牧馬蕃息千
羣萬蹄何足惜不堪戍卒度磧西生生家有杞梁妻陸行
山深豺虎多舟行黃河水層波積恨天山從地起止不成
流心塞水有障遮虜遮良人那知妾爲良人死一馬可一
鞍馬死鞍亦捐烏頭馬角倘回天妾老甯辭重少年

燕燕謠

燕燕不棲林怕隔幔尋定巢如有見疑患雙棲合得雙生
孿數子還防一子暇雛窺向明踏未慣老啄含哺數迴換
黃口呀呀足苦絆直待毛豐劇來喚一日二日緣巢旋三
日五日坐梁看乍可相隨飛滿院遙遙倏已周郊甸周郊
甸去不見母亟歸尋兒離散啄矢空梁落泥亂徬徨叫血
至夜半

來日大難

來日大難今爲樂方合沓意氣舞雲翔翔解一中腸鬱熱明
燭交光開門車馬凍蕤嚴霜解二千萍一水異夢同牀風馳

雨別浩如河江解三傾尊瀉地淋浪酒漿焉能捋諸復聚一

觴解四載縫故衣無間炎涼爰求故劍何有金張解五披闥求

仙不如草堂望遠當歸不如還鄉解六

枯魚過河泣

枯魚過河泣濁泉出山悲泉濁不再清魚枯得水尙回歸
枯泣魚且死泉流到海悔不止憑誰寄語在山泉勿羨出
山輒復然

戰城南

梟騎戰鬪死疆場鬼雄兮國殤駑馬求生野徬徨醜畏兮
戮降匈奴殺戮代耕作聖人刑賞安邊畧朝有死士塞膽
落名王遁逃幕庭空不在殺人邀首功弛武召侮非國計
鼓輦之思君道隆迺知服上刑人凶非兵凶

反襄陽樂四首

江漢九郡襄爲首莫放人才顧厨後呼鷹豪氣懾後妻耳

語不聞樓去梯水軍都督邀江路嬌甥肯放青州去兩家
豚犬共一心相迎萬里頭行處土人棄家從使君眼看枕
藉空拜墳討曹水火遞戮力前八十萬後七軍當春腸斷
大隄女公子不歸奈何許

大魚食蒲瞎兒仆氏運方彊騎浮渡中城可虞西北隅女
丁急築城迺固刺史無計禦餘軍指揮仗有韓夫人夫人
登城出無馬婢價原來勝奴價憑誰補作築城謠舉築諧
聲圍城下

畜養士馬南雍州家弟果爲朝廷憂盛氣那得常三十老
翁安臥浴鐵入紛紛束手勤王師藩使日夜向西馳白銅
蹄今本多揚州兒襄陽鐵騎當者摧七官擁囚烏幔底大

作鞮

隄畫界三百里雍州之曲作者誰曲項琵琶彈最悲

萬山一水環如帶腰玉持將權場賣阻絕城經圍六年飛
來敢死人三千燈船江天急槌鼓怒吼崩山躍雙虎百二
十里刀劔林敵兵如麻箭如雨竹園一虎身十創熱血江
心沸煮湯一虎短小跳盪進大呼開城合城奮賞書江底
草上浮戟枝取草髻被鈎更列星椿密於網魚蝦不敢偷
來往竟達援軍得回報虎頭洲名襄陽西龍尾洲名襄陽東齊吹韶
號音風水驅將赤幟迴雲天留取丹心照至今白雁霜空來
不敢流聲過雙廟兩都統者刻未亡小朝廷尙倚荆襄朝
臣但狂襄陽樂習池誤國同秋壑

長相思兼擬張衡四愁十二首

長相思大長干欲相從兮津渡艱美人贈我七寶鞍何以
報之白玉盤路遠莫致倚盤桓別時兩情重結髮風推雲
端墮圓月不如芳草隨車轄令人紆懷情勃發長相思思
銷骨

長相思大江北欲相從兮煙樹隔美人贈我玉界尺何以
報之金屈戌路遠莫致倚閔默別時露并花氣溼紅牆曲
闌同一色三星斜天月輪直令人懷憂心耿塞長相思纏
胸臆

長相思在襄漢欲相從兮江渙渙美人贈我織褥段何以
報之縐袿裪路遠莫致倚浩汗別時高檣坐危燕青青稚
柳風凌亂何日袂除路歧斷令人懷憂心煩悵長相思車

輪轉

長相思清湘涔欲相從兮隔楓林美人贈我玳瑁簪何以
報之素絲琴路遠莫致倚滯淫別時鳳翼雲中音醇醪玉
色澆春陰當筵判若背與襟令人煩傷心鬱沈長相思憂
欽欽

長相思柳江頭欲相從兮嶺路稠美人贈我玉琳璆何以
報之雙吳鈎路遠莫致倚夷猶別時山桂枝相樛昨攀九
天今六幽蘭芷不芳薜蘿秋令人永懷增謬悠長相思長
離憂

長相思在三都

柳州首邑地分五都

欲相從兮棘塞途美人贈我大

秦珠何以報之毳毼毼路遠莫致倚踟躕別時當宵月同

孤天風吹空衣五銖芳蘭濯露冰雪膚令我每念增縈紆
長相思心轆轤

長相思渺洞庭欲相從兮湖草青美人贈我雙玉瓶何以
報之花金鈴路遠莫致愁屏營別時江底數天星驚潮沒
鷺花冥冥高艫泛雨春魚鯉令人懷憂意忪惺長相思思
毀形

長相思廣甯艫欲相從兮隔驚瀧美人贈我璧銜釭何以
報之繡佛幢路遠莫致中懔懔別時越雪凋芳芷千絲網
漏尺鯉雙綺羅分處下珠江令人懷憂徒恹恹長相思心
難降

長相思管南邕欲相從兮山萬重美人贈我頗黎鍾何以

報之玉玲瓏路遠莫致倚疎慵別時虎豹方交蹤洿池夜
爭蛇作龍黃鐘避鐸聲半宮令人懷憂心忡忡長相思思
填胸

長相思澎湖末欲相從兮隔吳越美人贈我合歡被何以
報之百端綺路遠莫致增徙倚別時天橋微颺起輕軀洋
洋發皓齒衆中聽真吟淶水令人永憶心靡靡長相思思
未已

長相思海西厓欲相從兮隔輪臺美人贈我玉交杯何以
報之英瓊瑰路遠莫致倚徘徊別時空谷晴且霾蓬瀛誑
女愁虺隤東南逝風矢投懷風人旨深令心哀長相思長
難諧

長相思古金閫欲相從兮川無梁美人贈我雲錦章何以
報之圭與璋路遠莫致倚傍徨別時天寒雨雪雱太陰潛
處意不揚託波通辭驚滿堂令人懷憂心煩傷長相思長
毋忘

子夜歌

當年顏色如嬌花恩情日新更相加花紅花白情愛惜亦
爭花身亦爭色花身與君抱持死花色有時爭不得却恐
夜半眼前花忽入君懷變荆棘昔夜抱花起不早此夜但
愁天不曉牀頭尙有越與秦下牀一宿真難保

華山畿

華山畿捉空衣病置席下燒之吞其灰那能陌上花對作

經遺堂全集卷之二
九
牀下鞮甯化山頭石不爲溝中泥門前一步地是妾望夫
臺但知生時來不知死棺開君棺饒不開上天入地投君
懷

經遺堂全集卷之二

樂府

江都韋佩金西山

仿江淹雜詩

李都尉從軍

大漠何迢迢從軍踰朔方仗劍從此辭一一揮離觴有淚
抱國憂慷慨溢中腸母爲兒女仁兵氣將不揚丈夫一片
熱融盡交河霜轉戰休屠營生禽左賢王歸與大將軍聯
鑣沐恩光

陳思王贈友

天資曾何恃問學進光明風流際漢魏詞賦軼父兄敦交
美時彥禮重金璧輕後世誰相知訂文若平生衆音調絕

響同氣鮮遺情冠蓋道輟洛改塗辭帝京歡娛耿舊學纏
綿訂終盟奄飄驚風日探懷寫羣英天不生同時八斗爲
誰傾葵藿與道適松柏本性真年來苦凋喪隕涕悲幹楨

張司空離情

金波麗秋宇寂寂沈空閨偏移樓東樹流光照並棲爲紆
情意積不與親愛偕君子耽行役才人昧見幾王室殫彌
縫私恩各乖睽別理以千名懷人趣不齊景物無定戀寥
落有餘哀後來少古意綺語夫何爲

陸平原羈宦

總角矢懷抱坐與臺省參舟楫更霖雨甌卜枚可採此意
忽蕭條雲程蹶驂驪銓資出狗祿親知罷遊譚微生薄蟬
翼遙遙赴天南簿書薶名姓不覺歲年深先人有廬墓故
山嘉樹陰空爲太倉鼠未遂歸飛禽齊郊叩角歌南陽梁
父吟誰信謬通籍浩蕩江海心

左記室詠史

西京盛恩澤封王或非劉李廣遇高帝數奇亦不俟馬遷
紹左史上書廼見收賈誼去長沙萬言空運籌大官上林
令柏梁忝賡謳有司文章命執政何可尤賣藥不逃名人
知韓伯休引退還同羣何異六國遊嚴光亦多事澤中廼
披裘尙哉魯中叟乘桴但從由

郭宏農遊仙

漢武昔求仙多欲外施仁白晝儼下降王母未離人如何

海中核留種地上塵衣冠寄江左爭避中原秦神仙非無
事意以矯清言觀其究山海曾不繪列真奸雄畏術數制
使臣節純披髮將入山禳廁聊愚桓取義撻兇鋒何有學
鍊神茫茫度世心舐藥無王敦

謝僕射遊覽

物化信莊生憂來或性損郊垌周遊覽跡近心則遠餘霞
耀半巖秋英傲霜阪有得詎非景略涉卽名苑妻序澄清
懷雅尙濟躬寒微辭壑攀舟永歎雲歸巘徘徊送景沈隕
落眷歲晚稍從臺閣下一餞桑榆返

王徵君養疾

遙情采芳芷與潔酌清瀟江氣砭人肌陽阿就衡茅虛窗
受涼月薄帷動來颺形色豈久駐盛滿空見要及時不自
養毛髮日夜凋玉液原病肺黃金亦銷膏定力鎮精魄息
息與化調焉知筋力敝但葆神理超要藥豈須種隨地苗
靈苗鍊顏匪有術容色何光昭千古養疴人山中壽松喬

和劉楨贈五官中郎將

廣座邀獨賞羽觴散衆賓冠蓋辭京闕嬰疾臥漳濱常恐
委糞壤不得奉清塵裁箋悵隔面臨慰見交親文雅欣暫
合情盼哀終分迢迢孟津戍曖曖銅臺雲時貴競新寵才
人殉舊恩無由陪歡悅永負中心仁

和謝惠連秋懷

諸謝皆清才法曹爲之冠插天工緣起鼓瑟鏗章亂懷清

感在秋芳歇時已晏搖落徂年悲展轉浮生幻衣繡憚廟
犧失性惜溝斷邁跡管幼安閒情顧元歎頗耽山中隱不
羨登朝宦嗜榮無厭心甘退有靜算漫驚身後名先祛一
朝患造物愛惜才長夜有時旦

千顆柳

城東北二十五里運河隄曰千顆柳昔隋大業
帝出洛陽乘小朱航由板渚幸揚州此柳與汴
隄相屬也

軍門柳長城守泰山柳有九有靈和柳下殿走汴河柳起
羣醜普六茹睨地伐本先撥那乞活莫浪語毋浪死來者
誰桃李子

樸樹灣

城西南三十五里多織蓆者

邗上關江乘山三十里樸樹灣麥在田蠶在箔麥根吠水
蛙閣閣兒打草翁夜作十尺彊二尺弱織蓆縱草有筋清
涼以風不在繡紋織蓆橫草有心我甯不卷大河水深裝
夜航轉蘇杭樺子船上漢陽車馬稀孤客擁之可一牀風
雪大貧兒曳之代襦褌君不見織蓆人斗粟自量龜手縫
裳樸樹灣家小康

鐵篙歎

涿州琉璃河中相傳爲王彥章遺蹟

榜國奸無穩舵孤注軍難鑄錯殿上父子爭餐刀河上英
雄方使篙鳩媒肆阻委豹皮鷗雛走梁麟不支麟不支鐵
不利折戟沉沙血腥膩造塿難分千佛身賜券誰頒九死

字金甌缺琉璃脆英雄淚流離水

高唐歌

林間鳥聲鳴悲馬上郎疾馳歸長短枝柳蔓垂東西路紅
塵飛日中市聲如雷繁歌起橫簫吹櫻桃沁心不冰齒買
喫櫻桃如蜜水紅淚誰將寫盤裏客中無綫穿珠子江南
最好櫻桃家好春同折櫻桃花

劉生

丙申年三月雨我有肺腑不能語醫師本師色如土劉生
名鑄思字午塘繞我匡牀走一片醫心欠醫手陳孟公名澍長洲縣人家
北城人言其術通神明不在多而在精驅使草木意為兵
天挺仙芝活吾黨搗以千杵春燈響我友因之靈山想訂

我病起相攜往黑膏撲面鵲鷗飛暗中如有牽其衣急昇
之歸成伏枕醫我之醫不能審聽我言劉生白晳頰且揚
常於衆中誇身強昔生毛羽今生瘡我髮禿我蛻委五月
十日杖而起是月是日劉生死

丹陽歌

打麥稽起樓臺邑人多以麥稽制玩器春歸去冬又來羊曇過西州
哀舊河塞新河開日瞳瞳小新豐雨颯颯丹徒牖車遙遙
尹公橋

鐵柱歌

梧州城西江岸

鐵有孔不可塞逸民江湖吹為笛鐵有稜不可磨英雄刺
篙滄沱河蠻山四出爭大長鬪雨塵雷互來往鬼工連夜

鑱三江貫索星精墮空響以鐵作柱代橋礫以人作拄撐
天壤咸陽坐視秦土崩金人未有骨人能高風刺天堅不
裂白浪如山屹不折獨不見三十六州多鑄錯不得空持
節我道親民有建樹上與廊廟同宏達待取開元宰相心
遍鑄人間縣官骨

渡艇歎

大船番銀夜十圓小船過江人三錢大船載酒歌管急小
船蟹婦抱兒泣將清入濁三江流將連復斷江心洲洲上
荔枝三百樹壓擔堆籃招我渡去年篷稀日炙人今年篷
敝拉作薪龜手冰冰劈竹眯眼篷低雨炊粥推兒就乾
兒叫呼吏來捉船賣我豬

緯夫歎

大官舸高峩峩緯百丈挽復拖旣無勅勅負重生蛟鼉又
無牽之曳之老橐駝嗟爾小民如緯何行不得江上坡脫
不得身上蓑十步九俯仰一步一跌蹉前爲愁霖唱後爲
勞者歌緯夫且休歌農夫向爾訶方春久役耕蹉跎前宵
歸來昨把耰奈何踏我高田禾

箬葉刀

長行鄉董丐以六歲兒被割頸死控李屠詰令
繪割兒刀刃長七寸博三寸顧兒頸猶未殊李
訴董噀兒奪食自割其兒圖詐亦令繪董刀則
寸許剃髮者耳迺剪箬葉肖二刀形啓兒屍驗

之頸下痕與李所繪者符董猶不具服初李鄰
林甲見董割兒後收刀囊中解其囊有血痕始
吐實論如律

箬葉刀箬葉刀險教李代放董逃殺人之獄刀上聽一紙
閃爍刀神聖自屠其兒禍李屠收刀囊中血模糊兒魂于
囊獄則具底用李屠官裏去我有慧劍淬靈膏能殊亂領
揮妖畧君不見箬葉刀

白骷髏

容縣凌某控嫂因姦酖死其兄姦夫鄭不吐姦
狀容令某詳請檢屍孫大中丞檄委會檢當訊
察嫂非清白婦因導鄭以姦命應分案不因審
實姦狀卽坐人命男與婦迺服姦罪且鄭曾以
百金賄凌族囑隱其姦某以未經分金故控載
披縣牘嫂原供夫病痧遣幼兒延老媪醫之等
語陰僉人赴容喚兒暨老媪至研問痧病屬實
詰朝啓檢骨潔白爰依律問和姦鄭以財行求
加徒原告流三千里

皇天不遣骷髏語冤死人間小兒女骷髏入地案在官姦
雖近殺具獄難朱提五斤構奇變青天當空黑兩丸七月
十五鬼嘯屋四歲小兒抱爺哭萬人場上起故夫妻骨不
比骷髏白骷髏憤姦不憤死囚盡吐實伊所使請焚三木
除銀鐺與囚案頭話家常

兒食粥

安平鄉民控子被婦因姦酖死藤縣代驗肚腹
上及乳青黑色填格曰中毒死拷其婦死不具
承余披牘訝所控姦夫年五十歲而婦憔悴無
色迺詰其父子初死時青黑色大小父初見肚
腹有指大痕越日漸暈而上蓋發變也屏人留
一老吏侍訊婦爾夫何以病病得之春寒且內
所以知死者病死以日中白日非置毒時枕畔
有甌瀕死所食粥餘瀝清白無遇毒狀讞定論
釋天大雨

兒食粥兒食粥枕席原來是酖毒翁嗔婦兇無婦情婦肯
遠兒兒可生倉公期死得之內何必置藥心肝崩臨訣舖
糜臄甌裏婦食其餘不得死我未見骨診病真敢醫奇冤
免費人婦汗長流翁淚苦騰上青天沛甘雨

兩雄一雌

有控臨昏而搶其妻者搶妻人控係伊妻被奪
娶故拒之耳訊妻父母兩姓同有聘書聘孰先
則蕭先而幣未通故又許字胡訊胡之媒革弁
張具吐胡府中吏以金賄張爲媒其爲胡涎色
謀奪蕭妻賄女父母急輿女歸明甚因疑女恐
先爲胡所私喚女至問於兩姓何所擇女微語
其母蕭本分且聘先年相若則大韙之立讞歸

蕭集樂人於公堂花燭焉予胡重杖張亦坐笞
差池復差池兩雄逐一雌前構之巢獨不見新巢自好不
欲歸女非苞苴吏可飽朱顏暈光許兩小告之阿母白長
官公堂簫鼓聲春好雞狗哺乳馴南城明年生兒似水清
簪花肩笛醉刀鐻府吏幾人焦仲卿

似爺啞

平政鄉啞民妻控妾將殺其夫羣兄弟證之無
左驗問妾去畱則啞民有田廬妾方娠羣兄弟
忌妾子嗣其產與嫡謀陷之死或遣去子不舉
產可吞也啞民不能用耳書牘背問爾意安在
民指妾腹畵三字曰似爺啞迺反覆導其嫡以

妾界之責使調護有他坐嫡絕嗣罪嫡大感悟
相持歸子羣兄弟重杖妾果生子名韋保

黃鵠雌黃鵠雌五年不舉子於義當乖離前雌且相隨後
雌啄泥雄銜枝奈何啄且菹羣喙將殺之箕張簸揚附殘
月四無纖雲星欲摘吞聲自撫第二絃不敢張琴奏短側
姪祭姑將祧親叔問嫂嫌竇倫指蠅抱鼻妾有娠此時兄
弟眼中刺他日夫婦墳前人愚夫婦涕泗下牽率持歸媵
初嫁兩雌將雛鵠忘寡不妨生兒似爺啞

龍洞

夜夢佛坐龕中繞頸濺血指訴甚悲詰朝詩洞
堡民張控僕亞佛姦拐其女亞乙僕名觸夢且

張不應引僕鄧亞日證逃嚴訊亞日妄稱亞佛
 縊梅樹上伊於塘內見浮屍遣人往撈則塘下
 龍洞深不測得男女屍二俱縛急繩繞頸暈血
 如夢見狀蓋張先數日獲姦亞佛逃復歸張緘
 之死委屍於塘慮姦無左證越日給女赴塘邊
 緘死同棄之龍洞中迨亞佛母往探始懼以前
 詞捏報既得實當張擅殺滅流亞日論杖

龍洞龍洞下有積屍楊白花射鳥兒情所怡豔忘媼阿翁
 放新被阿母綻故衣忽為驚蛺蝶高下從風飛不投清水
 池不挂梅樹枝一沈昨白晝其一今夜垂筋躔更下石莫
 遂體與肢畢命長繩下齊赴黃泉期龍洞龍洞積屍氣何

苦悲執法從官裏長臥人不知但乞覆抔土白骨同所歸

問松樹

懷邑城南塢山半上前明阮通判墓前市兒盜
 葬其父阮孫控之官前令袒市兒據呈田契有
 自青山腳至蘆荻溇土人謂山上池字樣指通判墓前
 窪地為溇葬在溇下以為未越界斷葬阮上控
 檄飭覆訊方爭辯余以塢山近即於堂上呼昇
 夫往勘市兒指窪地既不成溇通判墓上及嶺
 頂有池冬乾枯荻欹莖席地有兒削蔗問此何
 名卒應曰蘆荻溇溇左新樹松直至嶺東低處
 一望皆田田左蓋青山腳也契界既正市兒指

松爲父買田時手植葬處果在界內何無松市
兒語塞遂反前讞斷遷前令復主市兒越按察
司狡訴余手自繪圖縷悉上之按察善公泰公
上之院加讞曰田界自東而西盜葬自北而南
檄飭遷予市兒重杖市兒先數日死

問松樹問松樹老人求田合營墓何不將松墓邊去白頭
迺教村兒言蘆荻可移松逼真不見老人戀魂魄與松青
過東山根當天叱使不孝奴將山割還阮大夫我

皇睿聖簡廉使公道大吏能維扶烏臺讞定白骨徒憤奴
殛死松墓裏

一片碣

梁村南馱山爲曾氏世業前明印契界至井然
曾子孫間割零田售之佃黃黃妄以田占山互
控有年初曾之祖以能守山拒崗賊村民立廟
祀之稱以二王三王并紀之碣子孫懼罪鑿去
王字因村內惟曾黃二姓遂填以黃字今碣文
曾黃來會過曾黃義多不可通黃摹以爲據曾
恐究出僭稱夜舁碣匿黃益以此嗾會余攜會
契入山手自繪圖四至八到纖悉與契符并勘
廟廊碣跡宛存廟鐘欵載曾族百人黃無一闌
入廟額亦非曾黃廟迺導曾呈碣曾吐實黃始
具服山斷歸曾圖說詳司案迺定

一片碣一片碣不及梁間一口鐵天意不以死這誅黥其
僭稱代剗膚後人懼留此碣存如自抉去南山根石不得
言金作證百人搗墨皆一姓英靈奮逐後起奸擎回百里
青青山圖中潤液到寸草瀝漉長吏膽與肝賴有我修魑
魅職不須鑄鼎不若匿

山有木

劣衿羅瞰中心坑民種杉木成以坑內蒲圳田
契有東至鹿了埔字樣妄指坑外一埔爲界控
爭有年余冒雨履勘羅田東有埔諸水源滙入
形如鹿角真契內鹿了埔羅界至此止坑民種
木在埔外數十丈非契產圖說詳禡其衿盡法

懲之坑民以安

山有木山有木一木被奪一山哭官府過官府過一家爭
山十家破鰕生作奸擾坑衆移山徙木多錯綜雨中拄策
猿鳥邊青山爲我開薛縫鹿了义性觸邪盡拔蜂尾獮鼠
牙調停所爲滋獄訟根在由藁須萌芽豈惟分明畫山界
餘地留與興桑麻雨過送我出山去洞口幾片紅桃花

青竹竿

藍尙民控兄索逋於李被殺詰以李果殺爾兄
何以任屍在門內辭窮但請驗李訴林兄弟竊
砍山竹李查知弟吐兄匿李謂明當鳴官兄懷
刃突入李門自割死余亟赴驗却先過林室搜

賊竹數十竿攜赴山中驗竹兜被刈竹根色痕新舊

并根株大小符李以林自割剃刀繳案血腥逼

人傷痕不爽死者懼罪自戕勿論弟初犯竊計

賊論咎詞窮即悔不更坐誣

青竹竿青竹竿不在水不在山焜黃倒臥茅三間兄弟尋

源碧雲浦擔歸崗中春烟雨弟則舍旃兄不吐攜刀入門

還出門昨日殺青今殺身殘軀竹兜兩不高刎頸刈竹同

此刀青竹竿斷竹易續竹難魂招不歸長風寒官司盜賊

累村落靦然民上夫何安

倒扒船權歌

塊沙棠倒挽荆江上粵江風波不問外湖水我儂占斷是

清湘

湘山長近出山根低不妨一點柁扳清的的兩枝槳打綠

汪汪

祭皇英堯女舜妻纔得神香草不生峰頂上那知世有魏

夫人

崑臺前黑石磨人鏡光鮮照山照水一幅畫照我郎君常

少年

湖南祁陽縣崑臺下黑石如方鏡人以巾袖拭之對岸屋樹了了如畫

村扶茶送君使船妾歸家饒君步步都回首何不翻騰學

水車

扶茶村在衡山縣倒扒船戶多住此村湘水兩岸村農編竹為車借急流激其輪使轉周輪皆竹管取水

以溉高田

望君要似九疑山一日一面好容顏屬君莫似九疑山暮

暮朝朝反覆間

廿四磯霧容容兮雨霏霏
磯在衡永兩郡間峽在衡陽縣粵西全
菜峽長思不屬松花會暖盼

將歸
州興安一帶冬春間松花會男女競集

心悅君悅君白晳好橫陳
隔水蘭枝不成采空江杳杳待

何人

十月莫度木皮江九月莫過黃茅岡
最能身手羞無賴不

賽高王賽馬王
江在桂林府永福縣岡在湖南零陵縣粵西九月宜避黃茅瘴

兩頭織免似吳船閣石尖
大扁高桅行不得幾程盼到廣

州鹽
淮鹽船重湘潭而上灘行非便廣鹽由臨桂全州沿湘下楚便于買食

數聲鑼月中路又一塘
多漁翁却忘西岩曲使君傳唱道

州歌
今永州府道州唐元結詩集中春陵也

腰環環腳冷冰冰緯百盤
壩口只爭三尺水大家齊喊一

邊山

水湘灘竹竿嫋嫋轉船遲
水到相離船上下人到相離水

不知

峽崇艚古欖維舟宿酒醒
明心要去三江口不怕神蛇螫

腕青
峽在平樂府昭平縣古欖塘名蒼梧縣西北七十里神蛇事詳第二十二卷三界廟碑文

三來魚
魚出梧潯兩江味略似江南鱒魚
魚腹剖來無尺書傷心淚滿篷

窗眼人疑結網盡真珠

雇直錢三百半灘人一圓
硃牌皂隸長洲尾驚逃水手捉

空船
自桂林會垣至蒼梧計三百有半灘長洲尾地名蒼梧縣西北大江中

嫁劉郎劉郎一去長降王
紅棉吹裏劉三妹白鶴飛來也

作雙

劉三妹嫁白鶴童傳奇廣州常演此劇

蕩心無過越人舟纏罾莫作嶺南遊神福大澗江口散明

年春雨下潭州

江在興安縣潭州今長沙府

土兵行

縣官來三江挽緯上七排縣官坐童婦看官訟半邏官繙
冊子吏唱名一一耕兵演武過十個演武九個懦十個耕
兵九個餓閣筆問耕兵有田胡不耕舊例調秋操年年兵
上城更番戍隘口纔歸又有名父戍連山死在粵兄戍桂
山逃入楚營田荒盡猶納糧賣刀買得三升黍暫飽來從
官閱武官不見耕兵苦懷集縣耕兵
狼兵不在營終年住郡城收管皂隸家不信身為兵何事

不歸營未訴先傷情兵亦狼田亦狼食田更不支官糧邑

有大豪編營久兵即除名田應有我補豪名收豪田田知

展轉歸何人十番告官九不勘十次官斷九不遵昔者是

狼今是鼠無田是鼠有田虎昨從轅門解下府祖遺一園

斫漆樹新賣花銀供吏取官不見狼兵苦

岑溪縣狼兵

罾環環牛嶺彎

嶺為羅城縣水次下即柳江

泥滑滑磨盤山

山險甲羅城通縣

竹不續緯易斷身出當夫家送飯家在縣街妻在屋自裹

單衣堡房宿日夜看堡遞文書寇來為兵寇退夫堡田受

自祖若父不准升科不開戶百年必備敢去兵官慈少用

夫幾名青衣縣役猛如虎掀將笠子日卓午一名田租一

斗五能穀夫糧幾回煮官不見堡兵苦

羅城縣堡兵

利州即泗水山歌

坡青龍見卷六青龍背上路纔通日頭照過花村路村在城北二里

大雷大雨滿城東

放春收亂草荒野火燒成熟運將官裏去上倉挑過太

平橋橋在縣治西一里過橋為各營員駐劄所

一間房杉皮蓋屋石堆牆腰斧郎君催塑像簪花娘子要

燒香治內山多官荒湖南北失業民腰刀斧來山中伐木引類續赴成村於山頭地角構屋數椽塑山神像歲時祈祀

春拋毬捉搦春人笑不休白綿裏心手玉色拋他不了是

溫柔山村婦女新春攢綢布為毬羣集田間向空拋之接得者勝

檳榔茶片幅羅巾一朵花羅巾雖好不如布客中雖好不

如家女悅男則以羅巾定情

吳綿輕比越綿温川鹽白勝廣鹽青只有山高發源處三

江水讓左江清

細路盤盤埃子坡雨葉紛紛青竹窠兩足如霜裹不得生

生走過者條河坡在縣西北三里坡北為青龍水

郎住喜亭喜可知妾住汾洲分更思幾時同過見村去判

將長架嫁無還期喜亭在城西南唐興寨南十里汾洲在城南三十里見村在城西汪甸亭南十

里長架村在汪甸亭西二里

抱兒衣抱兒魂從者邊歸兒魂輕於一升黍莫與木棉花

亂飛小兒有疾父母脫兒衣褲抱至廟門外焚香帛向神叫兒名一人代兒應抱衣沿路叫喚抵家置榻見應

愈聲

紙糊山君胡不仁石樹社公那得神銀花買煮雞公酒却
愁飽煞灘頭人村民多糊紙虎辟邪於大樹下樹石奉為土神病輒延火居道眾於灘頭支竈煮雞

酒飽飲啖日三次
諷經以代懺禱

簪葉青青裹飯肥千夫摘葉一林稀林葉稀時猶自可一

夫裹飯一家飢夫役以簪葉裹飯置腰間飢取灘水淘

家家門裏一張機家家坡下一張犁織機愁聽脫袴鳥推

犁愛聽雨鳩啼

上水纜划獨木船登高又作去聲踏梯田秋來怕看西甌月

偏為愁人照半邊西甌嶺在城南三十五里

無魚莫放鷓鴣飛有魚莫放鷓鴣肥簾火雨深然不著澌

澌水響獨撐歸置鷓鴣竹簾上往廻溪澗捕魚業此者多黔人

拋儂約指一雙銀添作長釵學樣新元宵將去敲銅鼓莫

醉春醪又贈人山村人家舊藏銅鼓相傳為漢武侯所遺凡有期會鳴鼓為信新年競拔婦女銀釵

敲擊跳舞以為笑樂

只道春遊五指山却過邏沙去板干怪底金身古勘佛風

吹一夜坐南關山在郡城西南偏邏沙亭在城北一百七十里距板干亭八十里相傳南關山上觀

世音金身像從郡北山頂飛來

白日收花晚下坡燈下拋將子半邏樹樹著花貪結子我

儂祇解愛綿眠多四山多種棉花入冬檢收載小船出百色發客販賣

趕田要把早秧栽趕場要趁槐花開趕圩儘把家常買趕

人知向那方來

野市野抱布行野市野抱布行用高竹筒筒不更短亦亦會少官論線

抱布抱布貢不用筒竹布稅不要銀花布市貧少官鋪縣
小無質庫獨木船蘇沙渡灣竹擔潞城埠一半下陽萬一
半上土富縛短袴滇中路滇中暖冬不絮燒井鹽換拍布
換布人獨不見八百媳婦不耕不織棄却家具隨人作賊
去蘇沙渡在汪甸亭對岸潞城地屬西林縣在汪甸西一
百三十里陽萬土州東北與縣屬們楞亭交界雲南土
富州東北與西林縣交界
土人以布八尺為一拍

鼓曠曠一章送洪太史亮奉命入關

莫作逐隊鴉百千為羣散風花須為鳴岡鳳忠孝會使文

章重上書樞府

帝曰吁容臣愚不殺軀覽書丙夜

帝曰俞鑒心孤戍名除嘉慶五年閏在夏擊鼓曠曠

詔書下將軍轅門馳匹馬促跪當階聽宣

赦西海九死臣伏地不起放聲悲堯仁覆載廣舜哲日月

暉遭逢如此隕無恨豈在一身畱與歸君從墮地飲名久

不藉此行香人口作餞不為君置酒時君方戒酒折贈不為君

栽柳

聖人解網羣生宥中外騰頌

主恩厚道旁太息泣稽首

題還珠圖為張夢廬太守鳳作

買珠買珠盤江滸孕不必容州井販不必廉州估驪龍老

蚌不朽之元精方諸明月不晦之夜光於何貯之開黃堂

於何懸之掩洞房葉葉綃金衣垂垂傳瓊珥頭上十行釵

箱中百端綺父兄不任意手持刀斷水奔走告大吏亟折
絲連理妾本鮫人淚滴成淚垂還作連珠子與蝕珠甯碎
果去妾有死還珠還珠歸舊浦大吏賀珠還爭前吉祥語
婦孺看珠還歡躍府門下高樓切雲妾不住黃金堆山妾
不顧但願長相守遂無乖離故一朝人事改迫促

上都去公行一何遽妾生亦何作出得羅施城十步三尺
清池墮樓處亟持揮路隅此言大左計願我非纍臣爾勉
作健婦不久當還鄉還定相迎取送公盡一年聞公遠赴
邊書來促妾行行赴河滎間公騎天山馬妾坐洞庭船馬
需奚官酒船需浪兒錢典我綃金衣毀我傅璣珥拔我頭
上釵卷我箱中綺艱難到河塢黃河之水聲濺濺此水塞

外來流當過公前濟出為滎溢清源不敢照之凋朱顏昔
為洗頭池今為流淚泉昔為廉吏水今為藏珠淵藏珠藏
珠珠好在擊走百盤光色倍日出當心照西海我公歸來
發異彩還珠圖歌滿紙諸君之歌還珠止我歌不與諸君
同我聞其事迺在北庭以北烏孫中窮塞主思悲翁志士
貞媛維世功持我此歌當采風

種麥行二首為湘浦將軍作

多種麥多種麥古通西域務屯田屯田未過渠犁城今古北

盛朝

列聖遠開疆軍吏按簿倉餘糧軍門超投不盡力出城步
步尋官荒誰謂爾無牛官厥牧犍犍舔犢去年一頭今兩

頭莫怕隄塘圯山頂雪消遍地渠况有官裏來行水今春
試耕暫圍營冬日耕餘添築城白晝打場夜推磨兒童拍
手炊餅大

催種麥催種麥匆匆播種春分前穀雨纔交長及尺曉起
清聞露葉香風動翻將碧波色一叢移栽剗木樽朴過田
家老瓦盆同與宿麥待秋至令人忘是今年根可知兩歧
非爲瑞只要人人盡地利獨不見東郭園居達官家開滿
洛下姚黃花謂德協領花園又不見豆蔬之種車箱帶種出邊人
壓肩賣何況普天

皇土宜作甘莫待天雨烏鴉銜眼看登場勸耕衆轉眼更
把秋禾種闔玉秦珠不入貢寶氣家家騰飯甕

滿眼花

滿眼花滿眼花大者指作番蓮花其餘稱名亦欠雅細爲
香絨粗芝蔴前年看花中丞館陳蒞洲中丞准幔亭香風冠蓋滿
而今花徑皆蓬蒿齷齪馬糞堆窗高舊時此地看花客幾
度敲門不得入漫嗟花好不常看作去聲使花多那可餐繁
華博得須臾快恰縱朋遊添酒債王制經營到韭葱園官
摘送惟瓜菜曲巷婦子無晨炊愁聽熟食當街賣拔釵正
苦銀色低那有閒情拗花戴滿眼花君休愛

搏土器

搏土器搏土器顛倒靈媧弄爲戲混沌以上搏人前不防
此兒太狡獪半夜潛來盜元氣器成瓶盎中有容美人借

手神借功翦紙作花花生活人間不用噓春風君不見長
安車馬填鑪肆水作醇醪巧專利貴客知名不知味又不
見華原磬石調新聲立辨致死變古情兩耳如壁誰能聽
卽今搏土偏妍冶供者紛紛識者寡老黝交加定武斲火
色淨盡香姜瓦翻手原來別有天人情不道全宜假搏土
器何爲者

地黃丸

地黃丸地黃丸且製且丸丸者言三製五製病疴痊七製
九製筋骨堅一十五製凡者仙更饒三五製或恐白日昇
青天惟人受生血與氣草木焉能補精髓差勝采將煮廐
中肥馬啖之光照地文正昔下統萬城兩駝載歸活萬人

師行染疫迺需藥何如早撤征西軍獨不見城鹽州靖戎
虜廊坊良騎馳且舞六月長安不知暑藥肆黃耆賤如土

菊花歎

花長歎花長歎不怨春泥溼不恨秋霜乾種花一年長辛
苦翻到開時不與看杜陵屋茅風捲失抱茅羣童坐作賊
婦人撲棗鄰牆邊無食無兒方見憐古來二士妾換馬爭
尤漢皇高馬價誰教畱飲缸面香蘭亭真本賺僧房因花
恨向花問何如李開府盧將軍土木之工剛出門宅被官
收賜別人又何如東家兒西家女朝彈絲暮擊鼓費盡心
情教歌舞將屈教成遭奪取語花且莫太傷神有力但可
羈花身息媯入楚不言笑短氣輸他花主人

金龍王

金龍王金龍王金牌大字照日光巍巍廟貌天西疆惟王
詔祀淮與揚相傳奠定淮湖江何來萬里涎馨香此地舊
為西突厥分統十姓同娥設左廂右廂兩碎葉唐初畫界
水伊列前庭雖合後鏃曷車薄跳梁圍弓月虎臣飲矢佩
刀截水底淘渾戰袍血有功不祀何因緣金龍王爵封何
年不封而王非典禮至靈如龍豈享此水神雨墨噴淋漓
邀我莫誣三丈碑唐書西突厥十姓乙毗沙鉢羅駐雖合
水乙毗咄陸駐鏃曷山以伊列水為界
車薄西突厥部落弓月城名永淳元年安西都護王方翼
破虜衆於伊麗水亦見唐書伊列伊麗伊犁聲之轉也

經遺堂全集卷之三

集杜

江都韋佩金酉山

角弓行示袁生

伯璋 夢堂先生世講從余遊

三尺角弓兩斛力罷酒酣歌拓金戟老馬為駒信不虛百
年死材中琴瑟弟子韓幹早入室即今年纔十六七已覺
氣與嵩華敵滔滔才畧滄溟窄滿眼繁華矜是日陶寫性
靈存底物富貴於我如浮雲富貴必從勤苦得滿階碧草
自春色樹木猶為人愛惜莫使霜露霑人衣事殊與極憂
思集

荔枝

我雖消渴甚野老復何知父老四五人奔騰獻荔枝側生

野岸及江浦崔嵬枝幹郊原古氣味濃香誰見分舊入故園曾識主簿書何急來相仍獨樹花發自分明

凌雲衙齋荔枝一株

結實最盛林香出實垂將盡何得愁中卻盡生地靈處處雪山

草相逢苦覺人情好日日忍飢西復東此日嘗新任轉蓬

不虞

簿領辛苦江山長不虞一蹶終損傷委棄非汝能周防天地為之久低昂三年奔走空皮骨此豈有意仍騰驥車箱入谷疑無路此身未知歸定處打鼓發船何處郎舟楫渺然從此去路難悠悠常傍人但覺高歌有鬼神喜得與子長夜語當令美味入吾脣

時與李參軍景崑夜話

新歡便飽姜侯德

既飽歡娛亦蕭瑟結根失所纏風霜恐子後時難獨立

秋山

秋山冷眼魂未歸鳴雨既過漸細微物色生態能幾時彼蒼迴斡人得知手種桃李非無主報會春光知有處籬邊野外多衆芳幸不折來傷歲暮我今衰老才力薄細推物理須行樂浴鳥飛鷺晚悠悠注目寒江倚山閣

明月

客子入門月皎皎不知明月為誰好空山獨夜旅魂驚束帶發狂欲大叫幽棲地僻經過少看我形容已枯槁五陵裘馬自輕肥富貴應須致身早人生結契無老少可知此翁懷古道翻手作雲覆手雨當面輸心背面笑君不見西漢杜陵老楚人重魚不重鳥

馬上

馬上誰家白面郎粉堞電轉紫游韁土風坐男使女立且
將歎曲終今夕江北江南冬春花野老墻低還是家昔者
見過今不得復令識者久歎嗟五陵豪貴反顛倒無處從
容陪語笑何能終日心拳拳記憶細故非豪賢

肉味

長安布衣誰比數肉味不足登鼎俎日糴太倉五升米遲
暮有意來同煮滿堂賓客皆迴頭請君一來開我愁人間
不解重驂騾世無王良伯樂死卽休

風景

正是江南好風景惟將遲暮供多病一片花飛減却春不
知醉裏風吹盡美人拾翠春相問野花山葉銀釵並落絮
游絲亦有情蜜蜂蝴蝶生情性自笑狂夫老更狂有時顛
倒著衣裳

男兒

男兒性命輕可憐恰有三百青銅錢已經百日竄荆棘朋
知來問覩我顏不須聞此意慘愴更調鞍馬狂歡賞吳檣
楚柁牽百丈老夫不知其所往

困窮

不爲困窮那有此不是愛花卽欲死終日坎壈纏其身頭
脂足垢何曾洗年過半百不稱意更爲後會知何地不見
江湖行路難咫尺應須論萬里美人胡爲隔秋水

一飯寄徐華

豐

一飯何曾留俗客時獨看雲淚沾臆同心不減骨肉親與
報惠連詩不惜萬里傷心嚴譴日身上須繪腹中實詩卷
常留天地間他鄉就我生春色人生會面難再得去住彼
此無消息石古細路行人稀徒然咨嗟撫遺跡

病馬行

麟角鳳背世莫辨夙昔傳聞思一見東走西還力實倦皮
皴肉黃命如綫借問苦心愛者誰寄謝紛紛世上兒萬事
終傷不自保一物但荷皇天慈時俗造次那得致自然棄
擲與時異歷塊過都見爾曹蒼茫不曉神靈意此日飢寒
趨路傍焉得置之貢玉堂更試明年春草長人間又見真
乘黃當年四十萬匹馬時來不得誇身強嗚乎與人同生
亦同死英雄有時亦如此

蔡侯行飯高臺蔡二明府

本衙齋留贈

蔡侯靜者意有餘前者塗中一相見恨不移封向酒泉爲
我力致美肴膳爾家最近魁三象丞相中郎丈人行再莫
斫斷青雲梯將軍樹勳起安西宴筵曾語蘇季子得君亂
絲與君理座中蘇州佐景貴以祕書屬校字口中吟咏心自哀願吹野水
添金盃酒酣拔劍肝膽露天寒野陰風景暮可憐爲人好
心事此身飲罷無歸處

使君行簡翟二明府筠溪

使君高義驅今古使君意氣凌青霄此道今人棄如土美

酒大肉徒相要庾信生平最蕭瑟誰謂俄頃膠在漆物色
分留待老夫與奴白飯馬青芻關塞極天惟鳥道但話夙
昔傷懷抱我有一匹好東絹詞翰登堂爲君埽縞素漠漠
開風沙蓬萊織女迴雲車雷聲忽送千峰雨來歲還舒滿
眼花人生萬事無不有向來哀樂何其多萬里飛蓬映天
過在野只教心力破樓頭喫酒樓下臥三步回頭五步坐
吁嗟乎跋馬望君非一度主人送客何所作

五言絕句

古意

生小神仙質金閨事貴主教來卷衣裳簾外驚鸚鵡
二十五絃膠十二玉樓釘私語罷門前月乾苔不青

甯斷金絡索亡我檻下羊母惜金鏹箭放我失羣麀
手把千絲網日坐江頭水嘉魚旣三來江深網難起
雙煙并一氣爐爲金博山蟾子網范冠絲多不得閒
力弱黃鶯兒銜花未辭樹風急各自飛浪打嬌花去
熊熊女牀星天垣本無梯迢迢女牀山仙樹不得棲
主爲夜合花妾是宵炕木燈月莫相窺抱影虛廊宿
自悔盛年時倉卒青樓嫁不敢易承恩寒立金釭下
君車遲亦發羊角山前路秋草無姓名隨君此路去
角張照捉搦星野四踟躕下山復上山滿眼青蘼蕪
霜寒足無菲刺深人馬骨誰信溝頭水下有長城窟
摘瓜無留蔓食瓜無還蒂淚湧江口潮朝歸夕仍至

憐歡定憐妾操舟不用楫有根卽有葉隔江不來接

臺城弔梁武帝

登城尋秋寂凭樓望秋遠不見采菱人風起菱花晚
我愛西洲曲低頭弄蓮子可憐蕭雍州一片後湖水
楊柳依樓春家法一何綺宮中怒妃粧江山半已委

君家井闌曲

美人扶釵鈿春陽私路邊閣雪井闌上辛苦是空圓
前身談容娘人圓壓場看樓窻落唾珠高雨瓊花散
積歲偏輕別宵中織女歸應愁河漢轉風露冷天衣
梅覆君家井蓄接妾家井大家凭井闌水通須見影

題馬平衙齋示來者

貧民爭過江迎我四十里此官心不貧歡聲動江水

韓碑益生氣大江無盡才入廟如舊遊安知非再來

智定不勞試割肉一社驚元功二十八更上有平生

朱家雖大俠誣以殺人難盡按三軍劍憑從出獄看

營卒被殺

在場朱甲以鞭毆傷一卒六營將弁控請以朱抵罪獄久不決金至訊傷卒供實被朱毆未見其持刃卽據供定案另詳緝兇而朱以擅持軍器論城旦

匹馬擒賊豪夜犯晨抵法客舟如有神飛下大藤峽

明發報江

上有搶奪案卽匹馬赴捕賊方在鄰村分贓未散全數弋獲一訊服罪卽於本日詳辦訖

不與長江便高蹄踏水雲卑官

帝所命少倚東將軍

每冬初粵東將軍委弁赴黔買馬至柳江移縣代雇民船金爲力免其役

宦骨相望歸故鬼語新鬼灘風防倒吹牢把鐵鹿子

前令袁集

鳳韓廷秀先後卒於官金為歸其喪

村裏出避賊官裏捉作賊爭爾冤全白判我髮盡白湖南

之役督撫赴柳州北境防堵懷遠令某捕得難民七十餘名誣服從賊招解到郡委金覆訊盡反其獄難民廼得釋

民自不殺人彊死速親臨萬人場上坐一刻千黃金官柳

年無殺人案間赴驗係輕生者然必詳慎以防翻異

守捉人學鷹飛騰魚化鳥八九月柳江小魚躍出化為鳥名秋風鳥化鳥傳以

翼制鷹削其爪縣捕役名曰鷹捕有蔣標者索事主賄立斃之杖下

歲例糧虛借今年兵感恩贏將飽騰氣春暖溢軍門提標兵七

千名歲底例借縣倉米千石歷年多不能給金力為預籌如數支借六營歡感

置官如用兵死地然後生到此都由命逢人却有情

得代仍承之前後兩待罪努力無米炊倘回姑嫜意

武昌青石橋

石橋小樓下十夜九聽雨那堪無家客耳熟隔房語

春光似駿馬日夜遞急書但攀武昌柳不食武昌魚

題安陸縣館

或傳棲碧山先生長不死分明在人間悵隔桃花水城西

山即李白所棲碧山

宛泊空舸岸楓橘秀如此原來爾許清對君對湘水程十

府德潤湘潭人

信陽卽事

洛陽秦東門義陽楚北門合署南司州屹屹三關尊

崇教殘唐餘烏金范作佛欲問塗金人將何鑄佛骨城南四十

里鐵
佛寺

古雅桐柏山清淮洩奇窟鍾爲風騷人現身說明月

驪山

蒙業中興後西京一笑無欲煩周大史補紀馬嵬誅
文武留家法私親體不崇難拋屢弧業炙手竊勳封
浪舉烽烟戲勤王心盡寒可知鼙鼓急無火報平安

長安北望

屏蔽唐六州拒虜國頻活弔古消長年征塗不可割
定難節度使初分自朔方曩霄愛良騎多恐出鄜坊
城築三受降退徙淪異域全如振武軍卷甲守天德
明代中鹽法濫觴於雁門戎鹽紛九種未敢售中原

度河橋甘涼道中雜詩

衣塵馬跡跋柱環刀娑摩雪花大如掌薄暮度黃河
只道京師去微聞夜度遼深閨多少夢不解向臨洮
聖代開疆遠重重出古關西庭纔門戶不數賀蘭山
大定準夷後屯田五十秋都忘轉餉苦白麥賤涼州
古冰塞前路浩然從遠征辭家便拋却不俟界長城
炊簸張兒食河西百戰場何如譯禪要芥子納高昌
酒釀葡萄熟泉非麩米春看踰黑水去鮮有黑頭人
太守枉騎來攀厓寄遐慕如何衣上雲却放歸山去

經遺堂全集卷之四

五言一

江都韋佩金西山

徐氏書齋新竹

書齋西北郭坐我到淇渭眼前詫突兀上下索所謂側聞
 革命初飛礮城隅沸羣忠競死事就刃正且毅元精各上
 騰餘烈尙此彙有稚出之既竦直遂清氣破地陰寒開干
 天回邪畏能留造化力未遽一春費况際
 寬大朝顯忠詔屢賁幽獨凜碧寥起敬式階次

秦淮雜詩

人家繞曲水短蘆寒不支蕭蕭別離抱散作秋風吹喚舟
 桃葉渡避雨小姑祠惆悵昔日歡獨吟當語誰

美樾當我門疎蟬坐來歇碧潭薦新涼遠山上微月無爲
感蕭晨逮此未華髮渡頭商女船入夕楚音發
南里蟲吟喧北城魚鑰靜高燈秋更青遠鐘夜深聽蹉跎
不成眠籤漏迢迢剩涼露霑衣衿忽發看山興

同嵇七惠塘夏大琴仙劉大心田春湖晚泛

閉門窮流觀情餘寄游息燕婉屬繁春光儀借三益益益
衆芳騰茸茸草齊碧延和陽德輝抒抱生意積林際風稍
動波間日將夕蜀岡頗近人嘉月清不隔泛溪愛韓詩得
句和謝客非敢遺世好聊用接賢跡

紅橋泛舟雨霽登雙峰雲棧

不盡天際澄覓我芳年賞闌春餞清娛過雨滌煩想高城
挂幽薜板橋上微漲紅藥老僧灌青蒲小舟漾山遠亭勢
孤殘滴林葉響勝地人不知拄策成長往石壁天風來萬
境峯森爽因爲永夕歡琴尊遠塵鞅

歸經商家林板橋

驅車板橋短着屐板橋長流水赴歸心去路當春陽臨流
照千古心平無危渡不定山光青齊州在何處

重經舊縣

來時方積雪盡壓青蒼空着屐穿陰厓攜客尋疎鐘偶因
寒意重問臘幾春冬老衲倚菴門笑指東溪松歸來夏初
交喧聲汲與春冬心舊禪悅并入流水中層盤上磴級初
地高穹窿新城昨投宿見此月下峰通明敞人心斂藏遂

無功誰藉暖煙草全與山光濃

北城別

蕭條客中別行子未朝飯街石融冬陽寒流支霜板林空
雲色遙物委歲月晚休沐略言聚舟車遽成散岸香欵餘
花風駛墮一雁沈抱似無主孤跡已近慣遵路信天水辭
城懼雪霰長揖忍離懷憂來忽如綫

過玉山草堂懷陳秀才

堃

爲君袖青山位置要安貼齋院泛瀟碧高映東城堞一朶
緣溼苔三峰俯涼葉每於清晨雨新綠上肩睫脩脩覺衆
遠寂寂惟吟愜階淺月隨人牆低風來蝶及未吹木蘭欣
與嘉賓接

遊踪不在遙少年飛動意暫與草堂別一蠟湖千屐長隄
烟雨舟南山晚鐘寺鶩景蕩煩襟懷幽賒深致斷橋礮壑
重松根坐涼吹獨醒非世有習靜取人棄爰爲記遊詩清
絕得水味悠悠遂忘歸空勞故人遲

方春初赴常州

高閣主人去梨花亦自香好春在道路舟車驚荒唐上風
牽船歌順風長帆張江南河水碧淮南河水黃攀柳惜條
短望柳惜條長春華雖云左尙無霰與霜蕭然坐行李獨
夜心悵悵

自常州歸里述懷

南風吹我北北風吹我南燈下夢故山廬墓集悲慚但將

出世想睡餘話伽藍啄蟲聽堅木拾菜沿空龕村路高昔
壅水潛阻新探橋陰喧兒浴山雨過晚嵐漁舍渺瀾中烟
月俯虛含泛溪客乘醉鞭魚駕文驂差幸養疴歸無恙同
布帆
過訪動名宿論學侍耆舊况復熱中腸俠士與我厚酒闌
規遠大立格望成就不死益滋懼髮禿驚老瘦廿年不肖
身風義負師友

木蘭院

象教非聖取或藉取衣食播也小人尤非僧不憐德齋廚
既遭屏激作太倉賊傾身結奧援節度理鹽鐵正供方蹉
跎羨餘從何出維唐長慶中幽鎮極兵力元老無功歸正
坐財用絀其時聚斂臣得以言利惑齒向化人冷手炙中
官熱豈有快恩讎能救邦國活閒來汲井華塢影昏院壁
紗籠與塵土一視掃前跡喚夢堂上鐘不寤久亦寂差幸
木蘭枝未映獨柳色哀彼樵茶人累代踵覆轍

金山詩

荒徼灌萬里長源下滔滔西風送入海百靈爭來朝人身
與魚蛤擾攘同一豪不盡平生力未抵所歷高懸燈破混
悶危鈴語清寥漫愁天柱折但覺山根搖半壁支東南流
未隨風潮山靈炫金碧元氣遭鐫雕蓬萊泛真影龍象蜃
孤標我欲擲彩筆飛化橫空橋天中
平地走衆生蠢蠢不自了高處試一登噲然無不小荆梁

入杯席古今但昏曉凌風思遺物役形同趨老暫寓諸緣
縈重來舊遊杳一日兩潮生不妨江暫沼一日百堵興不
妨樓踢倒衰顏難再朱白髮那重燥墮地但可悲思歸有
何好浩然御太虛超超失華表黃鶴樓

飛鳥不可着遠天盪清秋賴此開心胸一空古今愁百川
赴海力袞袞天上流長風振衣客飄飄天上遊墨點碎胚
渾微茫有沙洲橫視混萬盡更不人烟浮相續前後水百
怒何時休相望東西天一青不可收焦明見斯雨高處難
久畱毋耽瑤池飲顛倒崑崙邱江天閣

學士目無僧法師心有帶斤斤乞留鎮何云空四大玉堂
坐須與冠裳迺天械何如破衲衣雲山習晤對中冷與涪

江一味不分界發源至入海身世無聊賴水底百東坡照
影各瑣碎橋下今寒流更無鬚眉在勝地私先生借此作
佳話寶氣山門沈落日淒涼外玉帶橋

丹陽道中

雨過千林滴岸深一河靜樹老就支屋瓜熟全覆井村兒
貧不丐病婦容能整剝荒倚巖鬼花孤傲秋靚泥牛下阪
重蓑人弄昏暝遠化青山烟陰無萬物影郵程過易忘昔
游見應省撫心感衰病倦目括風景浪跡無所成江山豈
心肯

再寓清涼寺贈楊二峰朝鼎

當春抱病別舟人學長歎遂乘牖外水臥對江上山歸塗

盡三月入門成閉關
彊起櫛顛髮并氣青苔
寒書來枉見招招我尋墜
歡佳雨集深院秋烟裊幽
蘭山英馳送我浪漣爲治
餐江魚賤似菜與月同堆
盤懸榻憶蕭寺菊天香未
殘水宿夢都忘旅魂就清
安君果抱琴來先期僧掃
壇古嗜有靜聽內心無汎
彈西風忽好事坐吹衣裳
單自顧屢病餘或恐毛髮
乾辛苦務知己家食非磐
桓還妨笑彌勒喃喃說到
難

江舟遇風晚霽遂登焦山

險絕夫何爲妬我曾次靜
海門或不情焦山自清耿
急棹赴溼鐘危窗納道景
囂中晤故人少定要已領
翛然翰墨緣散帙亦就整
潮迴搜蘆根沙虛動前警
茅菴何處留修竹晚森挺
揭鉢龍纔歸落果猿又請
聽經悲空聲始覺天海永
煙中無蒂櫓夷猶發深省

夢梨閣消寒會者五人賦得老樹空庭得分韻得

老字

鄰家凡幾代與樹歷豐槁
貧家但短垣近市無杉篠
吾聞之禮經親在不稱老
未免士無田不能藝梁稻
頻歸愛吾廬身事束却掃
我庭清似水借可娛翁媪
維彼歷歷榆歲寒意益矯
太古留本枝天心許壽考
種樹如種人黽勉勵吾道
忽如坐空山雨雪夜浩浩

吳江道中

我行霜霰繁歲已迫遲暮
故人與我別行篋滿書素
應夢

江上山與我同此路冷水香涇荒疲馬高臺故稍從極浦
外晚見炊烟縷古刹僧募修危橋人爭度吳音聽漸熟鄉
關渺何處落日掩平湖寒山但枯樹船與棹歌聲搖曳吳
江去

平望道中

河干一言別川原日以迴萬感方沈沈離憂况耿耿微陽
聞流澌餘寒澹林影亂山冬不青野水泛淒哽惆悵同岑
人偃寒空齋冷道書讀易倦遠思紛難整短鑪頻燼灰高
牆易成暝燈火宵長沈更析歲除警何處滴空虛雪消樹
根并

太湖

南抵錢塘江北連揚子津西爲五湖水東下東海濱風帆
日千里長空浩無垠便堪從此去信我飄然身洞庭卷石
耳隆冬闕清新半上掩落日色醜翻見真片峰納元氣萬
古藏幽春放舟夏蘆岸蕭蕭響枯薪延緣亂灘上媵魚者
吳民浩歌笑鴟夷但解掉冠巾

龍潭渡江

融雪實垂橐氣凜逼胷脅寒江無穩渡冒險輕一葉力微
不任浮全勢與水貼柔櫓劃驚波強入終不愜技窮顧來
岸并力忽倒接捫扶皆空際四面無一合勝具百已空聊
用兩篙挾如兵五十步未抵一步捷忠信得所憑九死亦
何怯攀舷訝急呼爲持子固帖

公車北上別練塘

清賞在月前高閣花來處托體非春風不問桃李務耳目
進朴老豈易爲親故江水相照明晴汀一拳鷺

沃土樹不滋豐年田不歲蕭條老屋人剪燭欸殘會久病
厭肌膚貧別不了話葆此一寸心甘載揮汎愛舟車况無
鄰春我兩相避歲酒與故人落日寒山外

先人敝廬在黃落滿庭葉出門鳥雀喜扣門斷來轍昔夜
苦泉颺冷逼書燈滅誰教吟讀聲拋與轆轤歇待暖一壺
酒篷頂有積雪佇立岸火中相持不得發河風故砭人更
鍊窮瘦骨

鶴鳴在陰清蟲和寒夜永往事如風燈曾勞捉空影我與
世無用大瓠似垂癭子獨簡而腴修竹洗苦茗人生作與
止判在發意頃卅年隙光中贏得眼高頂夷爲車轍塵未
必新詩肯

意氣若終身非惟逮今送饒駕萬斛舟不載君心重浪兒
狎湖水垂足各打凍暝鳥驚踏枝况能穩我夢情事獨往
中意想君則共昔別車馬多來日雲山衆君歸述行色放
言作笑闕恐傷吾親心老淚滴飯甕

故人三首

晚歲眇長途惜別寄文翰故人攜酒肴餞我城河干虛舟
不可繫西北洪湖寬淮甸又遵陸車行盡寒山朔風刺羸
骨抱疴幾不完轅駒馱殘夢遙遙詣燕關天行霽雨雪人

心亦迴歡春來自何處晴光掩靄間欣同羣蟄奮一彈遠
遊冠利我觀光爰還凜來日難

氣匪及歌闌酒盡意未罷觀星澄天宇抱月靜永夜元鬢
曾幾時歡意渺欲謝敝綈無新心殘帙集舊話依然塵隨
馬驛子又同舍未及足三別已當師兩駕歸休苦無田且
緩思滄瀨

客來叩長物但有插架書階草方競綠梨花墮牆初春深
供繁英雨餘釘嘉蔬敢希子雲宅未愧班生廬落日滿郡
樓微風飄衣裾足音偶空谷苔痕原未疎愛德夙已嚴各
以所得攄文人多結習廓然遂全除望岸欲登彼論文能
起予却教闌歲別臨河悵躊躇但保心交在何必憾舟車

天末二首

天末紛離憂懷人好顏色宛在清江濱綿邈不可卽郭門
環流淺初步理輕策層蘿引危捫怪石賭羣陟厓松結晨
腴水楓脫霜夕風壑萬竅轉樓閣一險逼沙寒渺舟楫月
午衆影直酒家傾壺觴題字醉更拭依依隔年別致身乏
良術鴻舉屢素書深心展君側

伊人江上心獨抱江陽縣豈不惜愆期何時臨道便羈人
叢百愧時論忝所羨風塵累宿抱鄉關縈遙戀搖落嗟長
年迢遞引遐眇碧山春秋色佳月盈虧遍草連天一圍事
與雲萬變杜門敦夙好孤詣屏芳禱深維好我者無以酬

幽眷

九月篇

海日照我來黃河水流漸今我胡不歸西風葉辭枝蟋蟀
聲暗宇秋月入我帷空房凝塵滿鼠瘦蝙蝠飢騎馬二三
月桃李藹春輝膏露暖方盈各自爭芳非天心異位置人
事相因依萬化倏過眼如水東南馳與誰酌醇酒中心託
微辭

倦旅秋已中衆綠黯如客晚風動槐陰牆角起寒色驅車
長安道顧僕加鞭策

盛朝冠蓋滿辛苦趁冷炙月樹無死柯海鶴有斂翼仙人
俯相招世間住亦得舉手更謝之功苦各自積

家書與鄉夢久客都不繼遠矣堂上歡望極制吾淚豈有
許稷契力不庇親惠江湖雁驚天門戶魚菽祭居者未授
衣無論客裘敝前人悲商聲嘔心盡身世秋草報春暉白
日無根繫如何摧毛羽關山更虧蔽

吾非嗜飲酒酒以合吾歡辰良洽羣賞心交屢游盤淋漓
出懷抱願爲知我殫座中泣下者不與酒意闌樹立爲士
雄崢嶸矯遐觀義以更事積情非順流遷盛年置道路哀
此九月篇

人海二首贈方孝廉旭山

寶昌

皇州豈容塵填之萬人海日夕望西山沈吟有君在少年
中積習溺志於文彩流連光景語非不蒙拮采拾餘忘後
艱寡味及中殆前能忽如失未老豈知悔不見連江橋潮

痕日夜改不見丹徒牖月河非舊匯譚深遂忘睡缺月枉
久待

未睡且復讀陸離牀頭書參軍謝臯羽晞髮陽阿隅君出晞髮

集共賞海氛葬龍子山災拋玉魚正氣維造化星精騰羈孤

人生萬物靈立地有根株血性萬萬古文章固其餘青山
小如粟白日長於壺銀河快宵浴天門敞晨梳遠大非我
驚忠清爲士樞載籍呼可起母謂不關渠

莫打鴨三章贈張大萼樓形武康人

莫打鴨莫打鴨春水長蒲葉狹愛撥清浪遊清遊入茗雲
水下不歸泉水上不騰雨鍾爲孟夫子清奇僻苦主自攜
冰雪眞友扣金石古灞上惱輕薄長安感羈旅莫作豪橫

歸所與澹公語唐孟郊武康人

歌囉噴歌囉噴送去應鄉貢在家戲蠟鳳出門擁火鳳白
皙微有鬚三十劇兒弄本從舟楫來照耀馬與裘上書旣
不報發笥醉皇州妍骨春唐花就草不待秋山崩虎睛光
紫珀有竊收豈無司護持敦交爲窮搜母任夷門雪長薶

高封邱同年高孝廉文照乙未年死京師亦武康人

來日難來日難賈孟骨已塵嗣者不長年前後君一身儼
執造化關鳳皇驚竹實神蛟池中蟠翻幸在潛藏得以暫
馨桓奇駿君則多高望迂往轍騎驢京華春氣象參正笏
故鄉好烟水元氣到今活孤雲俯羣遊山泉待風發士莫
無功尊士莫見知絀不達非所患相勉各樹骨

霽月引

霽月得晚淨涼颼初夜吹微鐘行空雲宿雞審安枝庭陰
分竹細樓光戀人遲久客失舊想見月成今思涼蟲出頽
井乾蠹蛻孤帷芳澹延暮榮苔淺含碧滋遙夜那可觸此
別屢經時

江花漂東西旦日照契闊長河一夜風吹我兩年別鄉雲
寄我淚故山夢青髮沈思欣晤餘拭目但天未同月鑿心
素改候詠芳歇草蟲思君子忡忡感時物匪惟當風雨膠
音悵明發

槐花落

梨花來處開槐花去時落男兒鼎盛年宛轉消京洛落花
吹上枝覆雨捧上天何人眷我深留此不盡歡汲多井闌
泐結多絲帶絕浩然出青門長歌古離別

綺塘疏谷歸自儀徵話舊

江風送歸艍桃李果來軫變禽晨喜枝麥熟午翻畛逶迤
城南路敘舊約迺準幡然話小別七十里猶近却憶策蹇
游蕭寺飽僧菌君家滿蘿月晚涼挂絺衫敝廬溼泉氣簾
颼一燈隕合并事所諳離索緒屢忍余辭金馬歸貧也益
覲閔棄璞耻贅獻爨桐失前引相逢析新義快若脫萌筍
以境爲詬病但可付微哂棘心苦何任蘭言臭堪吮久坐
忘夜遙鼓樓急宵篔

市河船客山陽作

韓臺旣不終市做釣家樣尺水小橋陰判踏只無浪河身
可舟製岸容對隘防兩際逼人家有如弓在韞青天下夾
久鬱緊忽開宕八到濕風來滿水秋影放誰摘淮南葉橫
灑淺碧上無非刺篙聲縱橫互相望逝機改循城野心驚
乘漲爭隨鳧鴨拍不勝老鶴掠那有故鄉水赤馬風五兩
迺供載酒地可拓春游量江湖任游戲萍蓬各飄蕩故人
天一涯心神都悒悒縱登花月船再聽紅橋唱願我老大
身憂多那能暢滔滔窮問津天海邈悠曠遐泛倍無聊荻
莊晚堪訪

丹陽七里廟

丹陽城西北七里湧紺塢捫碑考新廟到今幾夏臘勝國

熹宗朝逆闖蕩祖法欲替周孔權故爲崇尙雜撫臣出其
門南都仰鼻歆生祠競輝煌工材正告乏媚竈因諂鬼操
切到畚鍤儘將斗大印浪署督催牒巍巍蓼洲公矯旨急
追攝被逮過此間蒿目民氣茶嗚呼死東廠長寢奏事劄
遂任踞西州顛倒貯梵夾竟逃淫祀毀飽歷兵燹劫天意
豈故留藉以昭噶沓肅穆雷電來象教力全懾廊下病道
人急收捕蝨衲短氣亡明餘白晝戶常闔

三僧詠

城闌迤長湖十里接芳援水容宕空碧柔條妙新囀斷岸
一橋橫得路兩寺見磬引深竹房鳥馴夕陽院塢風語危
鈴山脣拓餘殿偶課道人奕擬供洞仙膳亂石猿銜花高

經遺堂全集卷之四
座鼠翻卷客來坐幽牀佳茗含清涼微雨井華淺期余秋

葉黃

蓮性寺
傳宗

微鐘稀人烟木葉脫未盡衫笠尋舊蹊霜根出相引迺指
開士家孤雲澹難定僧雛抱瓶汲松門貯秋瑩爰偕素心
侶一領精舍勝納山冒危閣導磗激欹磴誦師拔浮華高
詠曉闌凭碎苔行春陰誦師除鶴不與聽佳翰屢已陳晚
廚薦芳飴遠影空外重初月樹梢剩空濛所來路隔水聲

殘磬

惠照寺
誦若

山均閉孤菴清響客叩戶西城百幽深當門景一聚既入
森涼天綠到安禪處精室相招邀虛廊信閒步看蘿佇佳
目羨魚倚庭樹花雨遲我心天香結秋素長揖出山口水

風刺船去

秋雨菴
竹溪

題古盃道人畫梅

高僧如梅花到處占孤格何緣兩合之賴有萬鈞筆我心
苦太癯夙負嗜梅癖敝廬故滿人餘地欠十笏年來粗料
理古根補甄隙方開旋已落花氣恍如失招魂到我師渾
渾潑水墨花來諦靜緣雅與僧同跡榮豈化所私悴亦命
所適溪山澹蕭蕭萬古雲水魄而師有本性絹廣湖岡窄
游哉物之初趺坐雪千尺逸氣入此花百倍挺骨力香非
斜月移老不猛風摘惜我伴公梅約祇三萬日餘因訂他
生真手非浪出

送古盃道人還龍岡

芳蘭宵空谷獨立不可求遠心寄高禪颯然行雲秋真土
無狎交道人與陳孝廉蝶菴友善道人非漫遊作晝夜靜聽紙底泉聲
幽物物非俊賞吐一石泉響飛雨灑故山靈苗暗中長塵
壒那得留掉頭成長往

涼秋詩

秋氣日以肅淥池吹作波新涼竟成故澄清少餘華懷人
倦公讌感化輕鳴珂寤言致逍遙夙心良蹉跎鴻雁來已
賓蟋蟀頻且歌濃霜委陵茗遺榮戀庭柯眼前駟馬人接
跡歸山阿攬鏡數元髮改素驚何多

白日歸西山不待驚風馳夕清泛餘綺松際出半規年華
警徂秋人事積中衰遠道今別苦辰良舊遊稀書來枉持
贈屈指相見期哀鴻叫羣夜空簞竟牀時馨香就零落水
清石纍纍悵失淮南約同君攀桂枝

簡董一淇增時觀政吏部

灑翰滿屏障樓居道南街聯臂白石橋涼月映清淮蜀岡
彌風雪君時與計偕飄然從此去余亦返荆柴青雲果不
遠健翮行自排望霓愧在壤翼虎嗟潛蛙心仍情愛積蹟
以職業乖長江碧山色耿照平生懷中年多感慨江湖放
形骸同學者七子各在天一涯艤舟桃葉渡向夕烟波佳
行將尋苔窠獨往踏青鞵猿鶴寄問君何年歸舊齋

經遺堂全集卷之五

五言二

江都韋佩金西山

駕車

遵陸昔淮濱駕車今泗堰憶醉題黃樓風雨歸策蹇再來
事都違十載心既偃誰緣上竿魚未禁飲河廳簿書日以
親親戚日以遠山人肯辭帷孝子迺登阪洩雲驚前岫春
華敷故巘樓高美人閒魚賤江鄉飯去故感物多卽新聞
道晚隨風稍舉翼引月可鑒悃欵念不殊當出先慮反

小孤山

員嶠凌大江四面人跡絕天柱神龜昂石根老蛟齧山亦
止一成路且經幾折輝皇閃金碧層構架棖闌危階趾絳

木長垣手援鐵虛窗受積陽奧室薶古雪華顛韓愈哭衡
碑道人竊晴雨旣殊候風燈信明滅帆飽我暫登名勝悵
飄瞥遙遙鐘磬音吹落沙岸缺真面罄圖寫林央心所屑
紛紛巾幘詞投贈毋迺褻

楚江見月

舍舟自淮塢登艫紆瓜步山邇不快尋江長儘成溯風沙
二千里廻汀稍泐住計程匪憩心極望忽增緒高林驚漏
輝圓旻仰流素更衣旣越鄉生明况改序萍泛違墳廬蓬
飄遠親故遙書畚方沈送客黯已去莫種江州秫空攀武
昌樹靡靡畏津梁蕭蕭靜徒御沈沈夜飛鵲涓涓冬零露
孤光尙西南舟人又前路

再登晴川閣

勝遊意未闌熟徑循石齒左旋迺堂平三面獨隆起恰於
旁陂寬結此層構美洞軒納衆赴高檐對遙峙有籟偃明
聽無景遁疲視鄂渚全前敞漢臯漸斜遞烟戶楚雲蒸沙
舟蜀波詭微風香薄蘅夕陽澹遠沚歸襟適茶幔覓憩聞
棋子絕頂贖昨登層碑藉昔圮仍趁三錢船低弄大江水
將抵全州流覽兵書篋古益山諸勝

湘水如幽人泊然味可噉我詩吞雲夢到此斂澄澹有骨
爲湘山戍削聳巉嵌荆南界荒天配嶽嶺嶠敢長源九江
根一葉萬夫膽樹篙就樵爨如魚食聚糝誰家好園居踞
勝補山窅岸改喜新得帆轉戀前覽相傳兵書篋武鄉昔

抱槩龍蛇護鞞鈴風雨失箱箴空餘千尺壁始自何人鑿
隔岸峙奇特一朵生齒齒如何植根虛驚波俯不撼其餘
幽勝多俊味咀蔗橄舟人遙指點未起祛被孽方言苦未
詳每遇首微鎮深賴所歷佳慰我異鄉感須勝惶恐灘取
徑由嶺巔

蒼梧行部詩

改驛務險艱微徑取俶詭屏從猿鳥靜意不在山水我忝
親民官簡出固所恥爾曹苦相攀千慮併一紙土人畏如
鼠猺人慙如鬼倉卒語不通跳踉知是喜得情解紛訖莫
再入城市減米散輿丁滅趾記蠻里飢飽嗟路難彼獨非
人子老二塘

邑氣聚大墟過卽斂蒙密衣草共一溼巒山雨中日亂水
蒸入田滄滄稻香溢如何豐年屢尙未盈家室婦孺捧山
蔬爭迎欲造膝可憐形鳩鵠髮短垢不櫛前者帶索長腳
骨後者出兀然據牘背涕淚下被筆才拙勉清靜此外又
無術取效豈敢期盡心良可必長行鄉

炬火茅氣通照我欲燎舍絕憐此舍中歌哭都在夜心碎
雨散絲颯沓火亦罷邑無泰山婦暝行更何怕野宿况復
佳觀星風露下半屏出燈光偏有勸息駕門村

大旗颭空天津亭陣餘艤嶺海爲震動駭傳官巡江營門
初見輕我文不知兵一年團鄉社訟庭習操防判爲大吏
劾支放開官倉義勇斛縣倉飽於營門糧營將迺喜我見

卽呼爲兄星星岸邊燈肅肅城上更移船響巨燧列炬連
其光晝所偃金鼓水上發大聲不分營與縣兵甲排堵牆
岸山壁壘堅中洲敞圍場海神助波瀾蛟鱷窘摧藏翻教
好身手束縛向混茫江城夜不閉蟹戶眠開艙弭盜盡三
年豈曾有殺傷

江巡

鑿山色死灰大吏檄如雨吏曰欠在商商復諉炭戶頻煩
牒帖問山川不能語自從開採來官山未相覩官真傀儡
耳形勢那得取卽此壅蔽積氣足埋九府踏草莫畏瘴寄
宿莫畏蠱我今迺日擊金盡水亂吐屑我鑄骨鐵缺額那
得補親切上圖說大吏達大部山靈許習靜地液免浪煮
不見封銅山銅價賤似土

山銅

蒼梧衙齋喜李二斗至

停雲忽有懷悵然罷公讌何意夙所親江天流英眇故鄉
年載殊雋游盛纓弁高情詠空谷交我少也賤一從上京
洛嘉藻亟登薦迺競名山業又別金閨彥念我塵埃間混
跡與曹掾澁絃難高張寒花暫餘絢爾音旣不遐鬢元况
未變鑿此杯水清不乞侯門饌難忘燈火讀旣醉索開卷
論文重與白寡過坐問瑗撫心慚舊學屏紛杼攀戀民氣
復正難江海最劇縣

自蒼梧赴懷集兼篆

揮餞緩成行烟江飛花過再捧灘水檄許捩封州柁小邑
又登陸直北距臨賀桂瀧背西匯青山豁東破問塗就老

兵荒埃剩隻箇歇鞍橋上亭幽鳥來伴坐官人出私路林
靜果一墮我來司牧民廢賞有所作可但幸三年蓬埃免
再宛還如病疲馬得樞徐嗽莖較飽昨宵齧未卸來時馱
訟庭老榕樹風燈下圍座榕神暗騰笑官何大計左一念
公忘家百事伸又挫貪廉吏可爲切勿謀身懦

南溪

發源懷集縣西北百里莫羅村

溪水如大木直幹有曲勢衆流競聯絡枝柯巧相綴靈源
出西廟衆綠蔽岸砌蔭見天地心力與沙石礪惟其根柢
清萬物不能制感沸趵突齊縷注百川衛沿坑下杉篠成
村費札繫不藥任手艱涉深以衣厲家室兼蟹胡歌哭於
篷柵惟此足財用亦藉供賦稅先王重虞衡掌禁裕國計

斧斤以時入未許急宣泄養民象地水千蓄防一逝伐童
山無膚愛寶吝終惠井木水府星要防精氣閉造物本周
才疆理工結締四十有八堡宛轉密環衛溪勢來多端異
縣况能繼黃姜水北出廣東陽山縣入溪遂使邑民居無不近水際澎池
有廣浸河潤無偏濟莫窮邱壑奇宜享山川祭塊我溪上
行極目渺溶瀾微颺苦竹陰春流桃花霽更下廣甯瀧貸
江去迢迢回首泉在山臨民常自勵

懷集衙齋雜詠

停秋放月之軒

前令中州李鳴壩建下爲蓮池

狡獪昔人爾岸爲谷者死幾年谷爲陵死者應可生高墉
蔽霖雨究澤幾人家反爲池中水星星冒朱華晚將斥繁

紅宵先危舊綠清風吹陳翳積向池塘曲賓主競延賞忽
忽忘秋悲還留一片月好夜軒中歸前水復後水竚立長
歎咨

半舫

坤隅會精深爽氣乍一伏恃此方寸心炯炯夜懸燭與爲
塵中蟻甯汎水上鳧養生忌土處非仙厭樓居篷底有遺
寵茶品索問渠方舟半已足愛之勝吾廬莫謂不勝重乘
浮大於桴推窗俯橋池屈曲遊沮洳雖曰在沮洳志豈忘
江湖

涵碧

空青仰高天梯絕不可劓山川富物色但縱遊者貪惟有
氣清淑一以虛相涵譬如餐秀色容光釋其饑諫果不待
吮譚者舌以甘我來噓人氣我去積塵屎出入人與塵活
碧母迺澆將防綠淨擾且恐空影破沄沄合江亭退之不
敢唾

味秋軒

悲感自畏生秋來意已避前人大坦率淺之得秋氣風船
縱不纜空聲遠仍去衆物趨搖落消息默已具坐玩甯有
擇我適與之遇見在轉輕嘗吾身著何處寥寥餞前榮綿
綿撫今序孤情與爲留耐可得少趣讀易契偕行何有閔
已賦

飲流去階斜維舟舍渚枉置物惡枝梧直方意一爽折旋
分大庭自公端衆仰橐橐葉墮砌和我履聲響峻峻觸外
忤嶽嶽與性安模稜既不習何況矧爲圓廊下樹垂實荔
枝驅作奴如何不自立炎熱隨奔趨休污清署土出之瓜
芋區

蕉舍

我愛山谷詩索索葉白雨心非倦羣動力難勝衆取青青
溪上竹澄波沃餘土養成筋節健借作棟梁補化柔活火
煇定性沸湯煮匠斲几與桁羅列何楚楚餘材幾曲闌細
到簾萬縷讀書休論瘦食筍莫嫌苦東坡兼有之捫腹時
一吐

寄軒

得樹卽得地沃桑此焉寄其樹根節成我不如寄生寓形
暫或久傳舍更何有惟益培其根蔭迺餘於軒四十齒搖
搖勉之固而存命存百無害還復易語言萍蹤幾故人訪
我踰嶺管昨夜華燈餞今日沙洲飯客中送客心非因跡
阻遠

榴房

擾擾官在朝一一蝨其間何異食吾榴羣子百斯繁色旣
別濃澹况殊味鹹酸稟齊成就異隔膜如山川銀屏空宛
轉乾舌無捧盃憑軒試由房咫尺有冷暖夏簟竟昔青凝
塵悵茲滿少年爭梨栗並世隔情欸推窗伐條肆舒我望

鄉眼

明湖一角

山奇水最清嶺西甲吳越造物分其餘沾丐江與浙謂轉
借湖來靈源夫豈屑勝遊二十年攜注六千里詩材不盡
收少許潑此水詔賜昔知章貽贈及馬遠後來摹水墨西
湖得粉本不聞真仙人赤手致蓬壺江河潤天下豈計儉
魚租

山行沿永固水

懷集縣南
二百里

靈維湖封州歷險出詩洞數百里皆山以一敢破衆插天
關成闕行地狹如衝斜迤全絡石剽疾迺穿峒伐木自上
下量谷隨流送零落出樗散僻寂老梁棟大川阻不達神

禹遠遺貢材成世莫驚氣鬱山欲動臨深惟目遁逼仄放
趾空巾衣濕晴霧咫尺滑夏凍晚來降巖棲握粟就水龔
鄉夫習狻升方言雜禽哢物理判顯晦蠻程愁倥忽地志
補他年申章授樵諷

東寶逕

懷集縣東
七十里

山勢本鑄成奇醜渾積塊青天浩舒噫一綫氣穿壤山骨
森開張進卻不成對此間肯虛受萬騎塞不隘平生最熱
腸陷堅稍已殺下有太古冰九日不得曬老樹山爲根直
上意亦邁空腔出雷雨唐突拄天礙盪胸層雲開嶺海走
細碎當年伏波軍樓船同下瀨益偷北燕息銀長降王會
紛紛擅割據容易成異代官身際清時一家渾中外寇萌

邊八排屯防周七隘東限桃花川北距涼傘背山名崛奇留
山水位置韓柳輩

蘭崗勘山

懷集縣西北一百二十里

晨征度宿泊水名言緣西水潯疎樹洗零雨四山含餘陰厓
口源不盡仙津一何深頗少刺舟入難可外人尋清漣鑿
幽石碧篠媚修森嘉賞契澄澹民事涉嶇嶽猿升同上詣
松果落高岑俯外見疇作仰天送鴻音被阪有叢薄滋畹
悵香沈山中芳已歇欲夕寒彌侵處處誌向路再來空此
心

烟霞

我本繩甕家不習趨世榮我本烟霞性不善競時名幾年
風髮馬息鞅來山城居膏非藉潤聊用刷塵纓忽忽考績
期席研不遑甯文書促受代輿吏各宵征黃鳥解戀我無
人時一鳴牆頭寄生樹依舊春來青循資當赴調西上千
里程浮雲亂山合獨棹蠻江清計期小寒食雨細春花明
稍從眷口累尙喜襍被輕老懷不自破觸物輒有情數錢
赴鄭虔着屐從符生心跡豈無繫期會難留行且邀同舟
人共盡山藹藹

崇齡峽

灘水分東南層山肆阻抑假饒開闢初不藉巨靈力反渴
溢湘流洞庭那可塞三百有半灘萬曲氣耿直葉舟上瀧
來造化倘失色青天正欲傾投地在頃刻高挾銀河根一

綫放偏窄飛瀑突迴波相距不兩得石礙礙不收厓傾風
 又攀本蘇詩王註船到岸被風吹開之義晴空急雷雨饞蛟攫人食喊山壯
 士哀千上累一陪我來憑忠信笑傲攬絕特崛奇我本性
 每遇如舊識六載再考績兩邑無盜賊不知所由致危坐
 見白日題名巉磯頭他年待磨拭

渡三門江赴柳州

底柱分三門雄放崑崙川此間禹不到誰鑿渾沌根所鑿
 鬱不化常騰一江烟風雨不外周勢將都入船子厚來南
 荒近治遊何便惡山起當面肖像名馬鞍或疑叔文侄開
 渝骨未殘既悔慟絕之餘氣猶相緣遇窮理益富高文意
 不慳驂龍助張膽更有昌黎韓碑辭貫元精夜夜光冲天

至今弄崛奇曲折蠻江盤和歌迎侯神神降山水間州人
 導水北再拜祠堂前

花深處

馬平衙齋前
令某題額

花深處花深處一叢花十家賦白傳抱國憂是善為諷諭
 而况宰瘠邑瘡痍在指顧匍匐訢上官轉向君門顛尙恐
 拙言辭不善繪疾苦石田接童山愛寶地塞戶忍私造化
 力獨自偏雨露鍊枯出精華快意倖久據須知民氣外更
 別無生趣文字非不佳鐵筆難錯鑄來者要深思母被前
 人誤空言那能救自起手刀鋸便與盡伐之此非甘棠樹
 君莫愛花深處

哀馬平韓明府

廷秀

夜夢登華嶽峰尖墮孤隼曉起聞扣門有人抱影盡嗟哉
古泉水轉爲出山窘嗚乎風林葉不待黃而隕朋友無所
歸我殞聖心允簫鼓原野悲船槽江波緊送君日斷旌顧
我淚沾紉相因肆枯魚已矣操充蚓死者歸冥漠生存任
飄質自効又不容重足望新尹

龍城候代招同沈大永言柳江春泛

柳江抱郡城四山鬱烟霾揚波自子厚耿耿澄清淮當春
陽德茂好雨欣芳荻東堂荒構外綠淨如磨揩新船棧步
下輕捷纜如簾攜我一樽酒斟酌中流佳親愛同心人真
率平生懷我歌子當和調恰宮商諧城闔日車馬濟濟冠
蓋儕徒增行役苦未免神理乖何如泛空明岸屋皆吾齋

初月漾蘿阿獨鶴鳴松厓道味愧未深塵事稍已排須勝
面壁坐負殼如盤蝸

題黃竹巷寓齋

蠻山無定肖屢過未能熟拙宦有內心窮死不肯俗席供
爲黃花巷名曰黃竹江月冷隨人夜夜鑿幽獨水東居易
遷讓西堂待築何如當眼前突兀見此屋妥貼安筆硯次
第散賓僕自非素心人抱被肯同宿等閒蜂與燕簾旌莫
輕觸最好足音希空庭養苔綠

獨遊立魚峰

孤峰如志士極天不少側立豈同海水魚也古遺直我來
坐山嵌托迹近元默陵芳駐宿雨空音曳遙翼升高叫子

厚飽蘸羅池墨筆力努萬牛文成倘一擲風雲旣蹉跎魚
水不兩得安知噴沫餘不可活唐國感此疏塵事所惜年
代隔陵谷猶未遷古人不來覲忘憂肆登臨觀化順眠食
未肯理榜歸恐破晚江色

宿穿山驛

初程無早憩可投非絕陁周闌納弦月閣道流華星野曠
因暝棄聲遠從逝聽但覺山影白併入天光青去吏愛雞
犬行部夙所經苦心有留處欲澹蠻江腥訟庭舊燈燭老
屋風泠泠

晚霽渡雷江

來賓縣南二里

混混聲不息江挾千里雨擔夫意先奔及早弛所舉灣環
水會艱傾滑厓石古一落衆恃空孤花裊相拄急與渡驚
魂輕若不勝櫓相期放船清中流天竟許夏雲來趁人山
斷却復補擔夫與浪兒船尾狎鄉語赴官此江根川塗未
容取

因役人回柳州寄問立魚峰

峰在郡西十里

獨石背可騎次山指爲魚繞魚舟載酒名以石魚湖生平
孟士源第一眞酒徒佳招入洲島水澹固其腴雙魚隨酒
舫欲到天地初巖泉我愛酌孤花表遊餘不爲人厭否立
魚謂何如

經遺堂全集卷之六

五言

三

江都韋佩金西山

凌雲衙齋雜詠

問樵榭

世業違負薪家祭曠腹臘官齋帶危徑猿鳥亦愁壓竹擔
影一肩返照半窻榻入林深不深風過難成會

鏡齋

古詞鏡神聖清老獨難時洞開南北窻竹風疎快吹衆影
積圓間古人語我遲何如坐澄澗冷面對鷓鴣

味泉室

蒙發冷益澄坎盈靜不沸空山杳水心官人失世氣流照

已明眼掬嚙迺洗胃多事承露莖無窮澹中味

延青館

萬山赴高館景物不自稠但有清虛來幽獨我得收常見
四時曉省鷺羣雲遊翛然會捲幔空青去悠悠

忘秋舍

官貧得秋骨秋來本不論古坳尚名卽今郡城堯時月自照雙澗
源苔草隔春綠春汲遠夜喧樹間一何寂童子罷開門

俯雲樓

層樓補山缺層山出樓下凭闌人語疎捧足雲容暇稍於
笙吹宜良可塵緣罷八到連蔽虧放眼笑相謝

觴碧軒

清甘一尺水澗底草活碧飲藉蒼苔陰杯流白石隙改席
蔭墻桑漱齒動泉脈醉飽病之媒臨軒已瑩魄

漱石亭

我至亭已毀列礎中若白石門景欲遁攝向林屋後柳花
與禽翫隨意落溪口來者非住山高風昔人有

藉月居

簾檻淨如水未晚饒餘清團團隔東海孤光巖際生書籤
汎微黃蕙帳流空明坐歎音塵闕因之萬里情

沙坳

凌雲縣南四十里

西嶺勢欹傾傾入半甌裏山間何蕭澄下有一城水東爲穿水

巖郡城水伏流其下

古苔石趾趾老松風齒齒隔外斷問津中做盡

地理暗流芳草根不雨自鮮美積山壓陰垂獨樹力撐抵
收將峯壑奇恍入園林裏香聞新禾黍人歸舊井里古意
冷不鞮空響倒應履惛濃與俗厚到此無可使山窓好投
宿蘿月鑒夜起

作里道中

凌雲縣西
六十里

山容到凌雲萬態出奇警截然千仞骨黯巖朱雲顛如將
百萬軍變化歸巖整迺知造化心直方夙所秉端居最高
處遠爲收馳騁最愛延緣空截肪界井井渣滓漉已盡衆
擾不容影下出爲泉蒙方渟卽淵靜寥寥空山中草木各
清耿黽猱忽斷絕人面起大嶺厭聞丁壯哭不向神靈請
得路自虎脊除礙削樹瘦過半斤中殆更上勵前猛載詠

節彼詩凡民方引領

邏耶野望

縣東北一
百二十里

自我爲邊邑終日坐畫裏在畫不見畫山靈呼我起爲民

洗炎瘴攬身叫天耳迺於最高峰出此一勺水

天峩水出
玉里之把

利村過平蜡汎至天峩
之剝高塘入紅水江

剝高通其吭雷江疏其胃藤峽鼓

其腹南海洩其尾放流窮荒遠覓路遵阪坻忽從晦靄中
觀此原田美烟嵐延幽翳邱壑互俶詭迺知民氣稠全結
山川髓僂指百六亭風景逮此幾便欲付丹青重泉呼管

子

里中故友管大
希甯善寫山水

青龍坡

縣西北
六十里

衆峰勢奔馬作氣我奮追高風迴北山倒向花村吹水源

騰萬鼓山源窮四圍涉深冷且腥有睡遺涎獠吏人導我
西半甌傾蔽虧時見猿猱徑庚庚橫翠微此爲郡門戶虎
豹倘敢窺五路總一柵守禦燭戎機通天偶得取欲上却
復疑闌入深黃茅宿露涼侵衣升陟廼忘級冥冥信所之
從此登絕頂難以道里期忽驚神龍背空際借我騎不知
去地幾但覺青霄卑雲從雙足下星月誰所筮更上隔天
膜怒爪撐之而五嶺各破碎滄海不得歸擾攘見城市轉
益浮生悲咫尺屬起草蘸露飽一揮豐趺承高寒代天宣
示碑

玉里道中

縣西北
一百里

精靈皇古前六幽起久臥狂奔數十里青山隨之破窮荒
弄崛奇不讓任兩大泉將下有瀆疑落巨靈唾絕壁手莫
捫就下尻已挫老藤綴危梯橫木阻仄過鷹驕腦不側猿
接臂且瘳高風一綫來敗葉與人墮偪窄白天險屯防鼓
將懦井陘伏可設子午師愁挫盪胷吐鬱勃浩氣谷口呵
永與塞罅隙渾淪山一个

喜晤杜主簿

元
齡時爲凌雲屬官

故鄉隨我來天際一片月何如長庚星依依伴明發三載
梧江心同洗蛟龍窟竭來蠻山中堅峭作山骨簿尉雖卑
官節行那能屈冠裳失初心食果吐去核薄宦垂十年官
事亂如髮賴有同心人爲我補拙訥殫誠撫猺狔執法約
吏卒不妨窮家風至味吮蜚蜉邊鄙適晏然引滿杯中物

往旬水月庵教讀陸生梨一夕暴死詩以哀之

一水對東部村名荒庵冠崇阿中有清修士金石出聲歌催

耕歷西鄙屏衛偶來過自言澹榮名教讀不赴科粥飯三

十載奉身如頭陀清光照塵蹤太息別煙蘿此間見君子

既樂且有儀行當舉賢良不久棲磐適豈抱孝章憂未示

徵君疴奄忽捐館舍禺日倏已殢伊人在空谷遠不競簪

珂甯須避賢路未老促先化鋤蘭非當門造化心如何感

此傷經行屐齒青苔窠零落琪樹枝依依戀前柯謂所一授徒

鼓邱中琴吾意其蹉跎

送盧核舟渙然歸山陰

孤宦朋友親當阨別離重臨事宿謀沈先期歸計勇廿年

贊庭邊兩載救疎冗牆花上蜂鬚院樹罨禽翫公讌紆舊

歡郊壘積新恐時神苗擾及泗城北境纍纍載餘漉一姝繪虛擁川

塗泐楚湘去程訖越甬行方林沸蜩到及宇鳴蜚厓返跡

益孤木伐望空聳久捧毛義檄故決原憲踵非材世已驚

惰修天不寵何當與子退江鄉耦耕壟

邏里縣西一百三十里述事送徐大華豐還融縣

一騎飛露布破蔡相公迴霜清二十驛百色飯樂唐興大

百市潞城弄厓央牙舊州者念沙梨稜稜秋山開鴉音岡

樹偃馬骨板橋蕤把手將軍廟羅拜踏歌來

羽書既停馳野色澹平楚婦埽稻田月兒擔菜畦雨豪快

並張仲遷雲南安謔浪偕蔣詡前馬平次第過君平蕭蕭

下簾語

就榻鑪煮茶羅案盤釘果瀾翻說平生連夜不寐可萬里
家未歸十載計都左如君復幾人殘年伴燈火

嫩春宜少女邊風似老狂及此人日閒招邀強登場拋毬
草冪地打魚水生塘閏餘節候早處處山花香

欣捧幕府檄悵輟星橋讌伴雲辭舊里逐鳥飛前甸疲馬
策不發痛僕去猶戀拋我浮家人望望君回縣

小別愁且遣岐塗意亦平難可忘在莒及此良友生護持
竊餘息推移澹浮榮同君三百日纏綿結中情

邏里事竣移住皈樂塗中雜述

役於遠埃罷人從前驛還磨牛踏陳跡珠蟻迴舊穿屢涉

恰生水所過皆故山茅棲遵昔構石徑改前彎降巖懾來
路履畝縱遐觀方春竹葉黃正月桃花殘易衣適早候跋
履稱去官七舍道何賒周年心已殫童烏哭迺屢空房骨
漸寒親從散零雨江湖渺故關姓名仍牘背詞藻空人間
豈逮陶潛達頗茹江淹歎游心稍却病遺榮果成閒
王事自茲畢身累良獨難相迎舊父老嗟我鬢全斑

皈樂寓齋

飄然雲鶴蹤到此偶稅駕拂我衣上塵稚子走相迓何意
風埃中先期闢精舍門敞清流邊椽架層岡下研席便尋
吟茶燭許罄話乘興登隴首極目眺嶺凹叢樹遠村遮獨
馬歸人跨擔榼祭有餘喧春廩多稼熱風憎竟日好雨快

昨夜花繁餞闌春禽鳴變初夏感彼時物遷會我一官罷
豈不懷鄉井况迺撫衰謝聊以貧衛生或藉文娛暇隱語
得受辛老境耐食蔗遠近既齊理去住總隨化幾日趁風
潮浮家宿江汊

寄張大坊在太平

共楫及首夏受代方闌暑傳舍在目前不得靜聽鼓飛檄
促通道秋林響急斧坦坦人間世那復容巖阻一年變鬢
鬢萬里輕毛羽殺賊願已伸好爵不復取殘年一斗酒夜
火來同煮藉忘公事勞倍覺君意古三板河口船容易別
好雨山村小寒食攜家滯貧旅人生非麋鹿空聚况無補
憶同官柳江臭味親會府君行經水南立石可與語

自百色放舟隆安經歷山水

疲軍辭故壘旗靡夢前戰定我蟲沙驚假以山水便時物
赴佳節肴核揮野餞孤舟渺空曠浩浩碧一片遂任風夷
猶剛愜波平善亂山不知名爭以險自見斜隨無專形峯
粵忽當面萬壑界晴雨咫尺幻明暝洞中春不留林際秋
已薦都催雜花萎莫挽衆綠變時行有進退命定奪顧眷
晚節勉自敦護持天豈倦

薄江雨泊

遠役休歸氓山田幸無恙扶犁春慳雨踏車晚糜餉靡草
遂早死新苗那能暢我船待譏關飽聽量籌唱海錯東南
來浩浩駕風浪寄奴卻布筒唐蒙貪食醬異物不在大粵

產矧尤旺王政逮商旅津吏巧能妨緬昔討賊勲文成坐
戎帳撫粵殫寸心功成應不忘還抒澤民隱隔世紆拊擋
言興鬱溪雲迺盛柳江漲但令民喜雨棲泊心一曠耕鑿
安良時醲化諸蠻向八寨險全阨三里山四望當年善後
圖區畫罔不當形勢在躬親纖悉勤采訪班師垂大猷永
懷儒者將

聞莫三芷厓以累鍰級却寄

有苗蠹揭竿上公致薄伐

兩廣督臣吉公慶

轉漕百色城上流扼

全粵君心爛光明念祖式舊笏孤軒起長鯨空騰危老鶻
有任百不辭無力苦猶竭敦篤古作朋岷疆天與骨我來
就崇蘭崇蘭館帖為莫氏家寶清脫出齋祓衙齋再下榻江舟兩弦

月久留防歡隊終去悵情闕踏浪二千里全家寄搖兀中

流散帙沈繞枕側生核商信天東來然疑又膺罰

時金方聞遣戍

伊多難念友生寄文壽存歿期許負生平報德從此訖知

君久沈頓手握種種髮囊惟留看錢家難瞻衆笑如何凌
霜蹄與鴛同一蹶辛苦積勛階等閒罷朝謁耻為楚魚戀
甘坐荆山刖回首驚蟲沙江湖浩鷗沒

桂林雜詩

灘水為南江流照仍湘月十年洗我心成此一日別空天
况感秋悽緒來凋髮人歸昏市埽蟲寢夜吟歇暫隔親與
愛非無夢魂越旨哉衛生經母任憂銷骨
里市競箏琶廟朝和鐘球皇初蕢與土持較相尙不高空

自然籟穆穆行清秋下爲山水音古異不可收翁張盡萬
世元氣通諸幽豈惟賈誼阮籍唐衢泰山婦啾啾戩彼夜
哭鬼有聲皆轉頭旣捐情欲累亦省言語稠三代以下響
迅埽不一留古嗜避近聽絕調無順投樂從人心生世耳
何從求

少壯逮今老屢變境都隔飄風五十年如作三至客鍛翼
毆投叢疲馬策行役達觀忘身窘鞭古疚心厄與語書在
牀鑿影燈在壁撫躬商位置愜恰稱何格幾人酣夢裏驚
雨林梢滴思此不能寐披衣坐竟夕

登分水亭湘灘二水分流處寄家人

興安縣城東五里

至今無常歡至清罕得全漪漪一窠碧失計辭故山塗徑
旣不專間者況在前象頤中有物一激斷直弦遂教脈系
別惘惘向人間并流冬冰暖分流炎夏寒最當臨訣頃遲
速兩皆難旁觀有慰者兩流各爲源飄風驚高空游子乞
汎恩親愛不自保稱名甯足尊水流到湖海我遠越河關
來日多如麻難爲心與肝骨肉各以殊神理勉自完此水
不忘歸浮我天外還

湘江舟次寄李五比部松圃

清源首東路孔殷自瀟始恰於春雨餘益增湘石美我心
愛澄碧篷窗時一倚彷彿見吾友顏冷較此水顧我池上
樓贈言不盈紙義心奮古調澹語得妙理草草衆中別吞
聲看遊子天漢杳子卿流沙去李耳使者畏簡書初程迫

楚鄙望開衡山雲憑汎長川汜定枉看花迴高軒過室邇
爲君道武昌重泉呼鶴起

謂李少鶴

冷水灘

湘水赴洞庭千里竟清冽如何及此灘獨以冷自別見閒
非閒侶老坡舊有說何苦霜滿面示人中不熱詡詡與物
爭未必果不屑淒寒損天和百倍濁流劣我久塵中趨畏
人忌孤潔但於清夜坐靜捫肝腸鐵一從得罪後無求甘
寂威瀆窮不隨流士窮更苦節回首溯嶺南二水分嗚咽
骨冷爲夏冰心冷者越雪一灘千萬灘步步傷前訣聽聲
難爲耳品味難爲舌冷暖意所造漫襲莊與列

浯溪讀磨厓中興頌

高文古大臣嚴毅凜莫犯捫之淋漓溼峻角起初鑿惟其
陳義切字字百爾範雷霆噫浩氣萬世破臣膽致亂由奸
驕逞兵弄窮黷甚至竄奉賊兇逆遞引攬一奮春秋筆魂
再殛幽窅死生不湔羞倖逃豈能揜天地更開闢日月啟
陰闇勞苦功高者自視一何欲身及其子孫德盛福非濫
迺知任將相立國森柱礎刑賞出宸斷錫鬯或徵檻朝列
躋忠清聲容翊澄澹致君先大端細迺及文藝事匪有至
難君法臣不敢有唐二君子垂作後世鑒奈何黃涪翁但
深西內感

中興頌

唐元 結撰

唐 顏真卿正書

鳴乎前朝孽臣奸驕爲悖爲妖邊將騁兵毒亂國經羣
生失甯大駕南巡百僚竄身奉賊稱臣天將昌唐翳睨
我皇匹馬朔方獨立一呼千麾萬旗戎卒前驅我師其
東儲皇撫戎鎮擾羣兇復服指期曾不踰時有國無之
事有至難宗廟再完二聖重歡地闢天開剷除祲災瑞
慶畢來兇徒逆儔涵濡天休死生堪羞功勞位尊懋烈
名存澤流子孫盛德之興山高日升萬福是膺能令大
君聲容沄沄不在斯文湘流東西中直浯溪石厓天齊
可磨可鐫作此頌焉何千萬年

湘潭舟次讀杜詩鑿石浦津口空舸岸花石戍晚
洲諸作學成五首仍用其韻

藍筆溯初啟山林幾年歲蠻服皆中原久道成

清世湘流沘逶迤瀟蒸會溶漓嶽雨疎易晴洗出花石麗
圖畫囊滿收江湖棹孤繫孟郊屢哭子東坡又無弟患難
守夙心尙覺攸往利役形奚獨悲卽次頻感惠天方假餘
年學道勉自勵

嶽雲未全開岸澳常陰陰遂忘津口過但覺湘川深水氣
澹春日古意渺楓林公子空所懷岐路難爲心袁州緩移
韓耒陽勞杜吟寂寞聖與賢微物輒矢音我行迺更遙有
哀非江南

臨流無熱觸懷情寡塵眺歷者不皆奇動靜隨所樂靈源
與古會空明時一照老懷航山水臥遊語尤妙湘靈倘見

容卜築手自造二水一分竹少許踞其要勞勞十年出移
文憑我誚不見杜陵叟飢來仰空嘯

綠柳黃江滸繁花俯沙漱休兵百年後有備尙名戍纍纍
湘中墳漠漠糜舟步迴風亂中流霽景明日暮四序豈坐
分天道有錯互磁基與智慧時勢操勝具杜老憫民病念
切減徭賦行在授拾遺何非闕言路奈何許稷契但爲房
相仆一片痼瘵心宛向君門顙至今苔石上猶想苦吟處
宣室勞席前賈生匪不遇

知名隨所觸憂傷疊高唱致君堯舜心孤孱竟長放昌唐
慶重歡兇孽騁已創後來者小腆亦頗煩帷帳子璋遂喋
血花卿本宿將河北旣不共留後勢方張念念在解兵許
國心何壯永與江湖水北上同激宕旨於橘頌深懷非魚
樂曠臣甫所不逮同志肯相讓皇皇中興頌意出典謨上
貧老將安歸磨厓端可傍

贈善化馮明府方山城

湘水欲入湖全力保清耿詩人官熱地但爭一字冷君山
壓城青高臥午窓罔洞庭變春酒了了只是醒八年塵埃
間留有吟味永當路容斯人堪爲此邦幸我勉策駑姿一
旦蹶蠻嶺枉君倒屣來訝我敗軍整前塵久散佚親切勞
記省二十年前城北行
舊作馮尙記憶猥於清賞劇益歎骨性馮擬作平
原聚筆陣鏖精猛奈謫如陽山臨訣不留頃舍陸旣沿瀟
落帆將指郢遲君有報章江舟燭孤秉

會馮

飲恬

馮遊方山明府幕中枉贈詩系云前在粵見金
歌行今見贈方山長句深爲許可意良厚率會

二首

君憶客粵時觸我官粵苦譬師敗績後忽復經廣武三郡
一杯水在腹滿瘴雨半生吟弄心打碎十年鼓還防自裹
纏千絲偶一吐堪感有心人記我無益語佳士如青山到
眼輒見許造物相貺厚失路總得所

惜遇情何重投詩意可喜何不大解脫邊氣颯滿紙幸生
重熙世絕漢久同軌化彼玉關遙都如周道砥將於輿表
外補括地志美邠有秋笳聲闌入夏絃裏世間萬庸愚蒙
面老鄉里行遠果有具肯浪擲床第及此春漲生催挂布
帆駛奈舍大小馮更遣別湘水

湖湘舟次寄松圃

小雨不溼人晨興信孤榜捺音江介雜物候中原正花柳
岸邊明豆麥原上盛觸我鄉土思淪落近迺更陽山容韓
貶耒陽臥杜病今古此一水習慣君子性艱難憑到骨心
地老淵映與湘千里來漱浴有同命春湖頻欲漲獨清不
肯併力於衆流中一綫自爲政前人寡定識疑誤出二柄
吟成知者希嶺外寄子敬



